

分宜縣志卷十

雜類志 仙釋 瑩墓 祥異 軼事

雜物撰德不離乎正零星紀載無嫌餽釘仙佛並尊
教亦稱聖羽士談元禪僧入定前賢古塚名流題詠
墮淚禁樵致愛致敬和氣祥增乖氣戾應軼事散見
亦徵往行博採兼收搜殘補剩聊附於篇以資考鏡

志雜類

仙釋

葛洪晉時人即吳葛仙翁裔丹成雲遊徧歷東南各洞
天常修真袁嶺七峯洞中有煉丹池舊跡後有婁陽

分宜縣志

卷十

雜類 仙釋

者相繼坐洞中修煉故洞以二仙名曰洪陽 參舊志

黃仙姑西晉時人嘗修煉於分宜之清風山上有煉丹

池 府志

黃太古晉時人嘗修煉於分宜縣五十里其地有巨石

坦夷世稱為黃太古臺 府志

唐

沈道人嘗結廬於分宜南山石間石舊有竅可入一日
道人忽不見視石則竅已闔矣今寶雲寺旁有石壁
立其紋橫起如扇鎖然人呼為鎖石山

虛中分宜人與齊己為詩友住湘西粟城寺嘗寄司空

圖詩云門逕放莎垂往來投刺稀有時開御札特地
挂朝衣嶽信僧傳去天香鶴帶歸他年周召化無復
更衰微圖答詩云十年華嶽峯前往祇得虛中一首
詩指月錄

宋

行偉仰山禪師也受賢首宗於大三藏成名謁南禪師
有省師律已甚嚴燕坐忘夜旦占一室謝絕交遊元
豐三年示寂闍維得五色舍利骨石拴索勾連塏於
寺之東

元

分宜縣志

卷十

雜類

仙釋

二

一初仁公者福勝寺僧也能詩學士虞集舟行晚泊寓
宿寺前遊寺與一初偈和七律詩工力悉敵詩見寺
觀又賦五律答集云翰苑虞夫子名聞四海傳偶攜
天上月來繫寺前船一見如曾識三生定有緣不嫌
雲臥冷與我共留連參舊志

月樓棲真寺僧工詩歐陽元爲序稱其思致清醕氣格
深妥又一清寶雲寺僧能詩元並雅重之舊志

黃東美不知何許人嗜酒落魄人異之有贈黃美人詩
輕盈逸宕旣卒有人自海外見之寄聲邑里問舊遊
方知其尸解舊志

明

懶懶道人周樞字寰中安福人通儒術能詩居分宜洞
靈觀有道行洪武間至京師禱雨輒應朝廷嘉之舊志

皇清

鑒源姓曾氏曾為樂平邑諸生或曰明末進士而隱於
僧者常以壯激忤有司變姓名棲邑北慈慧寺精易
攻歧黃尤長於詩時與里中知名相倡和性落拓不
羈致兼風雅而以魯自號見者呼為魯太師

古條初住南岫後移紫霞山善知識持菩薩戒甚堅耽
吟詠絕無蔬筍氣諸名藍遊歷殆遍飛錫所到並增

分宜縣志

卷十

雜類

仙釋

三

重一時遊石門詩云攜手白雲天尋幽訪寂禪捫蘿
登欹石曳杖看流泉平野村村樹層巒處處烟盤陀
忘坐久清磬一聲傳

德能名法孔霞山吉祥寺僧潔清自好屏諸一切獨終
日苦吟不為疲雅與諸名流善時以所作就正推敲
盡致夢遊草哀然成集屢登堂說法門人多通詩教

瀟山寺有二僧一古拙一紫崑俱能詩古拙贈別崑弟
句云哀蟬聯復斷孤雁散成行留別千齡句云燈殘
通夕話旅結十年心紫崑送別鑑徹句云春光迎客
路柳色送行舟夏日山居句云石老茶根瘦山空鶴

影涼再過南華句云煮泉敲石火話舊坐蒼苔

明通法雲寺僧工詩善畫妙悟禪機花魂句云便思燈
前通一顧好從石上證三生結納名流與邑副舉袁
壽齡交最洽時相倡和後改名明癡雲遊至劔邑未
還

胡真人承宗邑南十都小礬人明萬歷時與徒黃豫謙
修道於宜分交界之紫雲岡邑人立廟其修道處名
胡仙洞廟後有泉可醫病有記詳山洞類

瑩墓

漢

分宜縣志

卷十

雜類

瑩墓

四

侍御史陳重墓在縣八十里陳雷里

按通志陳重傳後附載人物志與雷義合葬之說
今考後漢書陳雷各有傳二人同以功名終似無
同隱同葬之事詳寓賢

晉

治中習鑿齒墓在縣東北七十八里棗木山苻堅之亂
隱居萬載書堂山卒葬於此

通志據名勝志

渝川侯李琳墓在縣西四十里光子山

按舊志山門載晉時李琳字光子封渝川侯卒葬
於此後人因以名山與翁溪李氏家乘合

唐

狀元盧肇墓在縣北六十里文標鄉

按白志謝志並載肇墓在上高望蔡鄉又宜春志亦有肇墓未知孰是

御史中丞江南西道觀察使李憲墓在縣西南紅花峯

按憲李晟第七子前志載第三誤通志憲官御史

中丞江南西道都團練觀察處置等使新府志據

明一統志載刺史李憲墓誤嘉靖府志載憲長子

游刺史袁州迎養卒葬于此與雙源李氏家譜合

卽紅花峯也峯一作仰舊志甘竹峯載憲墓亦誤

分宜縣志

卷十

雜類

墓

五

今悉考正

袁州刺史鄧璠墓在縣南六都白芒已山龍形

皇清知府葛德溥題碑

南唐

宜春令歐陽殊墓在邑南石鎮嶺

宋

節孝先生歐陽中立墓在縣南前源山

知州孫億墓在分宜縣余靖志銘

涪固先生宋斌墓在西湖北山路寶國寺右

見夢果錄

元

象州知府彭應雷墓在邑南九都嚴渚
義士中路同知彭繼凱墓在邑南六都東邊

明

華蓋殿大學士劉仲質墓

按此墓所在今失考

進士歐陽貞墓在邑南黃陂石磊山

訓導袁天啟墓在縣西南岫飛蛾掩壁形

太常卿黃子澄墓在蘇州崑山縣馬鞍山侍御劉璉作

誌銘

按太常墓在崑山以公爲本邑人物自應並見

分宜縣志

卷十

雜類

墓

六

布政司嚴孟衡墓在邑北化全鄉石塘堰

贈少傅尙書大學士嚴驥墓在邑北棗林阡

按此墓明正德九年葬嘉靖二十五年孫少師大

學士嵩具奏上遣官修治塋域仍賜祭二壇碑存

贈少傅尙書大學士嚴淮墓在邑北嘉林阡禮部尙書

張邦奇撰神道碑

少師嚴嵩墓在邑東十里白田鋪

學博趙杞材墓在邑東山籟坑

知縣李雲墓在邑南九都雙源南岸

大理寺卿李香墓在邑西神山下

通判李公信墓在邑南九都雙源大坳坑

主事袁象賢墓在邑西銅鑼坑

長史歐陽汝墓在邑南界牌大會阜茶山

郎中易鸞墓在邑北陳家屋背

通判趙鎰墓在中山孔家洲

同知趙伯冠墓在邑西昌山

編修彭鳳墓在邑東后英

按通志載鳳墓在邑北十里黃家邊者誤今照彭

氏家譜改正

刑部郎中袁怡墓在邑南三都

分宜縣志

卷十

雜類

墓

七

解元易宏器墓在邑西歧嶺下

贈通議大夫張鯁墓在七里坑猛虎跳澗形學博嚴堯

日誌銘

同知彭士遠墓在本里松山

主事宋希堯墓在邑西四十里楊江吉水鄒爾瞻誌銘

詳文徵

按察司僉事張瑀墓在邑西大江之南土田院前高峯

吊鐘形

學博嚴堯日墓在邑東嚴家渡

主事彭大科墓在邑北二十五里黃家山

左都御史鍾灼墓在本境下歷門生高爾儼誌銘妻

誥封淑人張氏墓在袁郡春臺下其地界上至大路下至塲左至雲峰巷街右至塲採宜志

侍郎張承詔墓在邑西黃土潭邑紳朱允恭誌銘詳文徵

潭下中洲一片後裔經官承買護墓

知州朱允恭墓在邑南大嶺背

贈徵仕郎燕山前衛經歷歐陽俊質墓在邑南防里泉

源山鳳形 大學士彭時誌銘

御史嚴雲京墓在邑北介橋鼓樓下

義士選貢張兆蘭墓在西關河背

誥封淑人張李氏墓在邑西華田天虹飲水形有享堂

分宜縣志 卷十 雜類 墓

一所侍郎鍾灼誌銘詳文徵

皇清

倉場總督歐陽瑾墓在邑南裡龔屏牛望月形協辦大

學士彭元瑞誌銘詳文徵

知州嚴宗嘉墓在邑北章睦梳妝臺刑部尙書錢陳羣

誌銘詳文徵

旌表節孝孺人楊黃氏墓在邑南防里泉源山

補遺 名宦高輔墓在邑東北九十里涂塘高家山

道光十七年土人掘土見墓得悉其略公姓高諱輔

字守道宋紹興間舉孝廉二十四年任分宜有治聲

遷萍鄉陞安徽滁州知州因賊兵大作圍城數月與民共守抗志不屈遂及於難崇祀分宜名宦祠與夫人合葬此山山遂以高名子二大元大和江西布政司聶公讓墓誌銘

祥異

唐

盧肇觀光故宅前有池產龜小而綠毛舊傳昔有龜十數遊於池是歲與計偕者多取高第

宋

大中祥符三年七月江漲害民田壞城池

分宜縣志

卷十

祥異

九

景祐三年夏苦雨水驟漲墊民廬官署圖籍倉廩皆沒

淳熙七年五月大水決田害稼

九年夏五月大旱至秋七月

十四年五月旱

十五年六月水圯民廬

十六年五月大水

紹熙四年自夏及秋多水

慶元六年五月大水自庚午至甲午漂廬害稼

嘉泰四年春大饑殍死者不可勝瘞

明

宣德九年旱民大饑

十年又旱饑

宏治七年冬嚴寒林木枯摧行人凍死

八年夏秋旱饑

十年嚴少師書舍產瑞竹一莖七節上分兩歧

十四年夏邑令吳蘭廨庭中梧桐有甘露降

十七年十二月火燔民廬五十餘連燔儒學前坊及

安仁驛

十八年二月袁嶺白氣如虹上騰三月

正德元年七月大水山崩橋壞墊民廬舍早稻仆泥生

分宜縣志

卷十

雜類

秧

十六年大水丈餘漂沒民舍

嘉靖十六年儒學東嚴氏世德堂左梁產芝草一本色

赤大如盤

十九年鈴岡月山下產芝草四本其色紫

萬歷十六年六月大水平地水深一丈漂沒民舍邑令

以一小艇援家人出相傳蛟出萍鄉溪漲驟湧人不

為備室廬器物浮江而下人多淹溺

四十年四月二十八日大水

四十二年饑穀價騰貴道路相攘奪

崇正四年夏地震居民多自牀墜地瓦屋皆裂

五年秋地震冬十二月天雨穀黑色遍地可食人多拾之至數斗

九年夏大旱穀每碩至八錢

十一年春正月日下有日黑光摩盪凡二十餘日

十五年春地震夏五月大水人民漂沒無算九月復大水

十六年夏五月大旱

十七年春二月地震

皇清

分宜縣志

卷十

十一

順治二年桃李冬實

三年夏秋大旱百餘日赤地千里

四年春大水麥皆淹死奇荒百姓餓死枕藉白骨如山穀每碩八九兩米每斗一兩八九錢士民多鬪戶死者

五年十二月棚賊踞府城分宜戒嚴

六年正月城復

十一年秋有蟲食禾

十五年蟲食禾

十八年五月大水禾稼俱被淹

康熙元年五月大旱

三年異端惑眾有愚民剛三等攜婦女數人從萬年橋躍下口稱登仙遂溺死

四年夏五月旱

九年冬十一月大雪二十餘日樹木皆折禽鳥皆餓死鳧飛蔽天

十七年譙閣大風拔起離地三只有白氣從水南橫江合邑震駭

十九年十月二十二午刻地震有聲門壁振動

二十三年夏大水平地深丈餘縣儀門內科房倒塌

分宜縣志

卷十

雜類

祥異

十一

案卷漂沒

四十五年邑令周鞠獄城隍廟有巨蛇墜落公座晝晦

五十三年十二月大雪尺餘凍冰深二尺餘寒甚

雍正元年五月大水平地三四尺城居人民多登樓避水

七年正月甫立春大雪冰柱長五六尺寒甚大有年穀每碩二錢零

八年六月霪雨傷稼禾長秧無大害

十二年大有年

十三年春夏間穀價平賤每碩價一錢六七分
乾隆元年秋稔

四年除夕大熱人衣單揮扇五更嚴寒大風雪
八年穀價騰踴人相攘奪發倉平糶

十一年五月初一日大水平地丈餘倉穀被淹詳請
借糶

十三年夏邑西北樓霞晴明忽大雨溪漲有龍翔於
半天遠近村民皆見鱗甲秋八月豐樂鄉雙源李宅
前梅花放

十六年十七年夏俱大旱穀碩至一兩餘秋九月邑

分宜縣志

卷十

雜類

雜異

三

北高林寺牡丹花放並蒂雙花

三十年春盡夏初大荒穀價每碩騰踴至二兩許詳
請平糶人心始安

三十一年七月二十日雨雹

三十二年三十三年三十四年邑北連年虎災

三十六年冬十月邑北旌儒鄉環橋後園雪球花放

三十八三十九年連歲大有秋

三十九年邑西橫坑任宅鳳尾草開成鳳者以百計
頭翅俱全觀者如堵

四十年春無雨栽秧遲早稻薄收晚稻西北鄉有蟲

四十一年早稻大熟晚稻微有蟲傷

四十三年夏大旱自五月不雨至於八月穀價騰湧

四十四年五月大水平地深四五尺

四十六年大有年

四十八年大水損禾稼秋八月邑南逢塘紅梅華

四十九年四月大水平地深五六尺五月邑南江東

坪大火延燒民居百餘家

五十一年有年

五十三年大有年

五十八年四月晦二十都隕石於田聲如炮其色黑

分宜縣志

卷十

雜類 祥異

十四

五十九年春趙宅瓶梅實其數三

六十年大水平地深三四尺

嘉慶元年正月初一日大雪冰結厚尺餘

六年邑南七都王宅火延燒民居數十家

七年旱

八年大饑

十年邑北介溪黃土嶺產瑞竹一莖六節上分雙歧

十二年西竺庵鳳尾草開鳳數百枝

十三年十一月地震

十四年三月大雨雹

十五年檀溪李宅花園蘭花一幹開十二枝

十六年邑西塘邊彭宅鳳尾草開花數百枝形似鳳

十七年邑南洽村大風拔木毀屋

十八年十二月大雪高山厚丈餘

二十年夏邑南盧宅大火延燒民居數十家

二十五年大旱累月虫螻交災父老嘆息創見饑民

絕粒無所不食邑廩生羅士琪目覩心傷作饑民嘆

十六首以達民困官乃開常平倉平糶

掘蕨根云父曰嗟兒來前瓶無粟囊無錢朝上南山

掘蕨根南山朝露零淚痕其二云母曰嗟兒來告室

分宜縣志

卷十

雜類

雜異

十五

無鼠野無藪北山蕨根尚可刷倚閭魂銷子規哭其

三云蕨未生掘蕨根蕨根瘦筋露痕畚猶空今日將

昏腹已饑兮和泥吞其四云杵蕨根瀘蕨粉粉盈勺

蕨盈稠草根食盡計已窘更思夜雨採朝菌土茯苓

一名仙遺根本
草為瘡家要藥云土茯苓苗未青兒童癩毒曾搜尋

消腫潰膿藥中聖而今眼前瘡難醫且掘茯苓救殘

命土麥冬其葉如竹名淡竹葉似麥冬核一斗
粉亦如之然其性大寒食者嘔泄云土

麥冬竹葉濃肩荷畚鍤扶短筇一掬不盈山已窮鶴

形鶴脰瘦難支幾處僵餓白頭翁采艾云居無奈出

采艾弓鞋滿面抹泥盪姑挈衣衽嫂額帶小叔不歸

頤羹盡鄰婦喃喃索米債掘葛云怪咄咄深掘葛碎
骨爲粉乞生活本根不庇藤亦絕無絺無綌君莫嘆
嘆息腸空腹如割苧麻子多食足軟云朔風吹冷裂衫苧
苧實離離將盈筥歲寒逼我衣歲凶迫我煮噫嘻未
見神農書四肢病痿不能舉穀樹皮造紙所用云火燎原
野絕嘉穀穀樹能禁旱魃毒幹老劈可薪皮軟烹可
粥吁嗟枝葉無所附裸虫更甚牛羊牧蕎絮云蕎實
貴如珠蕎花乾如絮貧極炊珠難飢極餐絮苦君不
見去年棄擲填道旁和草飼猪猪不吐禾稗云早稗
珍白玉晚稗抵黃金剉之碎金屑磨之飛玉塵君不

分宜縣志

卷十

雜類

祥異

十六

見老牛齒衰不下咽田父張口如啖蓼野蒜

本草名苦蒜一

名牛不食

云家蒜何辛野蒜何苦苦入吾心甘填吾肚那

得十萬頃更供千萬戶地菌云地毒生菌菌毒殺人

飢當糊口窮不惜身但能度今夕何必算來晨觀音

土

袁臨有土五色嫩滑如粉名觀音土渝西有採蔬童子遇老人指示之曰此土可食忽不見因取食

之果然然多食則脹滿不下咽往往有因而致死者云一家閉倉千家懸釜里

無爨烟僵臥如堵觀音曰嗟予不忍爾覩拚出大倉

粟堆作山頭土其二云豪家催租怒眉催賦枯骨割

膚請登鬼簿觀音曰嗟予不忍爾苦割出慈悲心化

爲飯顆土其三云天不雨金下民無怙天不雨粟下

民無咈。觀音曰：嗟予爲開地府，爾且爲蚯蚓共食。槁壤土其四，云地剝其膚，媧莫能補，山鑿其骨，娥不勝負。觀音曰：嗟予爲告坤母赤子，匍匐來食，盡南山土。道光元年四月朔，日月合璧，五星聯珠。

有秋

二年大有年。六月，邑南檀溪大火，延燒民居百三十餘家。九月，捕署桃花放。

六年五月二十七日，有蛟出武功山袁郡。以上大水奔騰泛濫，冲毀狀元洲、江北店市、田廬，俱淹沒傾圮。溺死七百餘人。分宜城中低者水深丈餘，高者亦六

分宜縣志

卷十

雜類

祥異

七

七尺浸涇，常平倉穀沿河兩岸禾稼傷盡，報上委員查勘，緩征錢糧七八兩年。帶征八年五月，大風拔木。十一年大水，較六年水跡僅減尺許，其有傷田廬禾稼如之，穀價昂，每石糶至二千餘文。民大飢，縣主報上發倉穀平糶月餘。

邑紳袁人伯大水行云：歲維丙戌，月季夏火雲煽煽，殺禾稼低者草亦黃，高者地爲赭，恨不剗捲滄海潮。傾向此邦，下六月廿四日，西風颯颯，作雨意浙漑，澎湃纔連朝。父老駭聞大水至，亞夫之軍從天降，半信半疑走相望。陰雲慘淡，月昏黃，頃刻及階，旋升堂衣。

物棄不顧舉家盡張皇富家被幸固貧家屋如歛夜
半慘聞號泣聲己身雖安心酸悲水氣蒼莽幻唇市
天光不光影熹微登樓狂呼舟子來恨不身輕學鳥
飛大舡小舡簷邊集停篙索錢乘人急此時魂已三
舍空此時命不一錢值風定雨止漲初落鷓啼鴉噪
和鬼哭江魚果腹厭腥臊浮屍狼藉積山麓吁嗟乎
生前苦把榮悴分死後貴賤那復論人生會有極逝
者總如昨到此彭殤理可齊今古茫茫一邱壑殷勤
郊垞來五馬嗚咽哭聲徧原野攀轅泣訴炊無米驅
之驅之慚民多

分宜縣志

卷十

雜類

祥異

六

皇恩稠疊舊有例先發賑貸後蠲賦願汝少緩須臾死待
余申文報大府吁嗟乎前月禾黍苦焦枯今日高低
成沮洳默回元氣賴官長請看鄭俠流民圖

邑廩羅士琪大水行云久旱百川涸如轍蛟龍怒沸
萬山裂一雨三日水拍天枯槁餘黎盡魚鼈千年水
怪興武功崩崖破壞來江中秀水東下半飄泊袁郡
江北成長猷水逼人立屋上屋屋如舟浮滿舟哭哭
聲震盪波勢高須臾吸入陽侯腹棟樑棖橫中流
善泗健兒撈未休幾處伏屍絀柳岸蛇盤蛆噉無人
收昔日廬舍今溪壑禹甸茫茫一沙漠土不存毛地

無皮聲絕雞犬與簷雀武功之西萍最衝斗城傾圮
水軍雄醴陵郟卻原陵沒攸縣天地况冥濛安福武
功東南下渺若銀河向空瀉洪波滾滾奔新蓮賸有
茅茨在山者見所未見聞未聞行路斷腸淚紛紛百
年生聚付淪喪旱魃之虐猶後焚

十五年夏秋大旱自五月至八月不雨早晚禾俱槁
歲荒報上委員查勘緩征十六年帶征

十六年四五月穀價大昂民飢歲有秋民始安

十七年有年

十八年四月大水縣城內外水深三五尺不等

分宜縣志

卷十

雜類

祥異

九

十九年有年

二十四年五月大水縣城內外水深三五尺不等邑

西北水漲龍標書院水深四五尺傷稼冲壞民居

二十七年五月初四五大水沿街競渡禾稼傷甚

二十八年五月邑西北江漲甚大壞屋淹禾田多壅

塞冲毀

二十九年邑南歐陽嗣李住屋門前栽有西瓜數莖
七月下旬內有一蒂双瓜咸稱瑞事是年秋闈揭曉

其子棠集兄弟同科

咸豐三年五月髮逆竄省圍城邑川漲居民見大水燈

光無數自昌峽由鐘峽而去若神兵然七月後彗星見

五年十月十七廣碼竄擾去後虹亘中天十一月髮逆踞城搜民倉穀賤糶居民髡鬻見陰兵夜過北城至七年十月官兵克城賊遁八年六月無雲而雷

同治二年六月亢旱青黃不接民心皇皇邑令錫榮跪行禱雨自署抵昌山孝通廟甘霖立霽

五年石鎮玉虛觀旁古樟樹杪叢生素心蘭一株詩人唱和紀事

七年十月霖雨至八年六月止穀價騰貴九年穀價

分宜縣志

卷十

雜類

祥異

又貴

五世同堂

李元斌號柏溪雙源人飲賓家豐於財無矜亦無吝祀先必敬聯宗族必直且誠置別業延師必禮而愨子孫會元數十人或食餼或明經或以仕顯身見五世乾隆四十九年總督薩巡撫何繕摺具 奏

朝廷旌以眉壽延慶匾額並給緞疋銀兩倉場總督歐陽

瑾御史鄒玉藻皆嘉其行誼爲敘其實年八十八以
壽終道光元年國史館奏請趕輯纂修大清一統志
邑令曹人傑具文申詳

誥封奉政大夫鍾嘉燕邑庠生輞溪人學問淹雅品行端
方衣冠言動造次必以禮法碩德所貽誕膺多福壽
八十有六子三長定邦乾隆壬辰進士任兵部職方
司員外郎孫七曾孫七元孫二親見五世同堂洵屬
昇平人瑞

廩生嚴思發妻趙氏介溪人秉性溫柔治家勤儉上事
三世克盡婦職享年九十有三眼見五世同堂子升

分宜縣志

卷十

雜類

三

銳升曉膺歲薦升悅列縣庠源爲棟爲樑爲柱爲榮
俱列縣庠曾孫性善中式副榜從麟郡庠元孫效鯤
效鵬邑庠嘉慶五年巡撫張 奏明奉

旨賞賜匾額絹米

黃汝達郡增生樓霞人志好振興嘗倡建邑考棚經理
賓興會勅立本族義倉郡城試館暨近境各橋凡諸
義舉皆輸重貲妻鍾氏逮事重慶得歡心勤內政汝
達所爲氏贊成之祥和之氣蒸爲瑞徵嘉慶二十四
年氏年七十有七親見長子國學生其碇子大獻邑
庠孫松森邑庠曾孫五福五世同堂中丞瑞題請

旌表奉

旨賜給遐齡綿祿匾額並緞疋銀兩季子其瑚候選主簿
歲貢生 贈文林郎新蔡知縣習祖厚妻林氏淑慎徽
柔訓子家駒家駉同捷南宮分發即用知縣迎養衡
陽祁陽孫皆列生監五世同堂現今九十有七

生員吳元龍妻嚴氏性柔淑喜周卹鄉鄰事翁姑無違
禮佐夫教子有賢聲長男曰濂列邑庠三男曰含大
學生孫體寬邑廩生曾元繞膝眼見五世

貢生康作新妻張氏克守女箴勤襄家政相夫成名篤
祜貽後子二長華國庠生次受燕監生孫曾濟濟壽

分宜縣志

卷十

雜類

祥異

三

躋八秩目覩五世人共羨之

胡攀模妻梁氏職員學新之母恭儉溫柔慕桓孟之高
風守郝鍾之遺範現年八十有六目覩子孫曾元五
世一堂邑侯龔旌以瑤池婺煥

顏之熊妻盧氏節儉持己端肅範家子早逝撫寡媳彭
氏相與竭力撐持撫育後裔眼見五代孫曾數十隆
師課讀老且彌篤年九十有一

袁作礪邑西江邊人貢生作梅之從兄郡庠作楫之胞
兄堂兄弟八人奉祖遺訓以敦孝弟篤恩義勤耕力
學垂爲家範年八秩舉鄉飲瓜衍厖綿五世同居食

指至百餘人一堂之中雍肅肅無惰食亦無諍語
合邑僅見督學王鼎以孝友肅穆旌其廬子從訓入
大學孫榮森邑庠繼之英復踵相接人咸謂厚德
宜昌云

邑庠生楊曰焯逢塘人幼博覽經史文藝力追先正因
試棘闈弗遇爰精歧黃術手編醫學淵源數十篇延
診病者輒隨手愈遠近咸德之爲人爽直樂施居族
長以禮法垂訓其小宗一支孤無依貧無立錫教養
婚配任爲己責邑中考棚義學鄉南賓興及道路橋
梁諸善舉悉捐貲倡建未嘗有德色以故一堂五世
爲之序道光四年大中丞孫 請

分宜縣志

卷十

雜類

祥異

三

後裔繁衍累葉青衿不輟壽八秩廣東翰林何南鈺
旨賞賜匾額銀緞又八年而卒

大學生楊堪道妻歐陽氏性柔淑嫻內則孝事翁姑勤
襄家務族里咸賢之現年八十有九子錫圭入成均
孫二業儒曾元濟濟隆師課讀必忠且敬氏翁曰焯
五世同堂氏亦同此慶洵人瑞也道光二十四年督
撫二院繕摺具奏

朝廷獎賚有加隆焉

生員夏侯鼎旺溪人年九十六歲親見長子邑庠生瑩

之孫舉子呈報縣憲楊公振綱懸牌賜批批云傳家
孝友秉性淳良沐雨露於 四朝已近期頤之壽衍
嘉祥於奕葉遞承色笑之歡廣繩武之章祖還侍祖
誦貽謀之句孫又生孫綵戲萊衣快觀一門聚順籌
添鶴算懋昭五世其昌洵爲

盛世之休徵宜沐

旌揚之鉅典覽詞忻悅聽候申詳其嘉獎如此士林爭傳
誦焉

大學生袁仕峻石陂人妻李氏性柔淑嫻內則佐夫興
家延師課子悉中禮法次日煌國學生四日榮邑庠

分宜縣志

卷十

雜類

前異

十四

生現年八十三眼見子孫曾元椒聊蕃衍五世同堂
林上荷顧村人鄉賓年九十五世同堂道光乙未

恩賜眉壽延慶匾額子光陞光勳俱國學生孫紹唐紹歧
家翰俱邑庠生

舒家聲現年八十爲人愿謹傳家忠厚後嗣蕃衍眼見
子孫曾元兩學師獎以五世同堂匾額洵屬

昇平人瑞

監生鄧成章妻賴氏新喻畫江賴華山女性端靜閒雅
勤婦功朝夕不輟夫商宜風市廣交遊而慷慨好義
氏贊襄家務數十年備嘗艱辛家貲既裕凡鄉鄰戚

族有衣食不給者悉推與之無吝色年踰八旬猶手
治棗麻有古敬姜風子二長枚次庚斗孫四敷華曾
孫六思舜俱大學生元孫爲仁椒聊蕃衍五世一堂
享年九十有三人咸謂盛德之報云

恩賜登仕郎任天德邑西橫溪人持躬正直處世公平身
居族長家範凜然誠一鄉善士也至於尊師課後尤
能迄用有成子錫齡孫汝達俱邑庠享年九秩曾元
如林宜邑進士徐公輔忠贈以五世同堂匾額洵可
謂厚德載福云

彭帝彩邑西塘邊人幼有至性孝友敦篤人無間言在

分宜縣志

卷十

雜類

祥異

三五

鄉井排難解紛所到人咸欽服乾隆五十九年壽登
九秩眼見五世本府教授紀公徽善贈以碩德循慶
匾額復贈以詩有句云眉介九旬筋力健堂羅五世
彩文鮮年九十六而終人以爲醕厚之報食福正未
艾云

林有樂白水人孝友樸誠古道可風喜與讀書人友好
嘗延名師課後嗣道光元年榮膺冠帶享年九十有
二眼見子孫曾元一堂五世森森林立尤多俊秀

李尙璜臚前人少習儒業內耿直而外和平治家教子
敦宗睦族里黨欽服現年八十有六五世同堂允推

昇平人瑞孫觀化應俊秀科

鄧斐菴妻賴氏事姑嫜無違禮治家勤儉有法相夫訓

子聿著賢聲眼見五世同堂享年九十有三

耆壽

明

彭珪西岡人爲人孝友正直以敬宗收族爲己任族子編修鳳衍古禮舉行家約推珪爲約長珪糾察一秉至公族人化之邑令重其行舉爲鄉飲壽官晚年自闢別業號北園翁年八十餘以壽終子孫蕃衍多列青衿膺歲貢者人以爲盛德之報

分宜縣志

卷十

雜類

祥異

三

皇清

吳宗芝萬溪人存心忠厚制行樸實排難解紛鄉稱善士享年九十有六孫起潛附貢生曾孫兆遇兆通元龍並列邑庠

歐陽任防里人光緒孫天稟純懿以肫赤自矢無機事并無機心孝友之行不事雕琢而動與古會初攻舉子業試弗售徜徉山水慕陶隱居高風森號儕柳見志也乾隆元年欽奉

恩詔賜八品冠帶乾隆二十年乙亥壽躋百齡

趙贊顏本城人永豐訓導趙鳴鏗季子好讀書性情渾

樸有古獨行君子風鴻臚寺卿袁芳松贈以琴歌自
樂匾額享年九十四歲

袁國柄紐村人性質直孝於所生庭幃豫順居恆好義
通財鄉里交口稱善士隆師課子迄用有成壽居九
十郡司馬翟照庭重其行誼贈以德備箕疇匾額乾
隆元年遇

覃恩准予八品冠帶子孫蕃衍書香丕振

鍾瑞彩弓江人天性渾厚古道照人壽九十有六其從
子立彥沉靜質朴恬淡寡營壽九十有七

歐陽宰防里人厚重簡默端謹而和平言語敦龐鄉里

分宜縣志

卷十

雜類

祥異

三

推服壽九十有四

戴仕雲重田人少歷艱辛骨堅強而神凝鍊抱璞全真
前民矩矱現年九十五歲

郭邦達邑南八都人慈祥豈弟好行其德恒以讀書極
高爲善最樂二語垂爲家訓老成典型甚負鄉望現
年九十有二

舊志

郡庠生李成枚城內紫荆樹人篤學勵行敦崇本原尤
孜孜以詩書爲貽謀嘗構精舍延師課子享年八十
邑侯予匾贈磻溪雅望學憲金德瑛匾旌清世人瑞
子六長定國邑庠生享年八十有九次定求郡庠生

享年八十有五次定觀大學生享年八十有七次定
山業儒享年八十有九次定點邑庠生享年八十有
一次定茂業儒享年八十有五嘉慶元年

恩賞九品冠帶孫枝蕃衍汝鳳汝凰汝隆汝崧汝英汝
棠俱庠生曾孫宏謨瓊玉宏盛亦諸生餘皆杰出指
不勝屈一門之內五世同堂壽考疊增人文蔚起前
任袁臨督閩府德勝保贈以花萼長春誠晚近所希
觀云

晏廷楫西溪人飲賓濂次子存心平恕立品端方嘉慶
元年壽九十榮膺九品兄弟八人同事八旬老母庭

分宜縣志

卷十

雜類

神異

三

闡聚歡享壽者四次弟廷杏郡庠年八十八次廷檉
邑庠嘉慶乙亥鄉飲介賓現年八十二次廷森國學
年七十八皓首同堂不愧紫芝凝瑞花萼聯輝之目
孔定海存心忠厚制行樸淳現年九十八嘉慶元年榮
膺九品邑侯雷給額澤隆仁望道光二年邑令龔贈
匾額碩德延年

黃昌言建溪人秉性公平里推正直乾隆庚寅庚子庚
戌三邀

恩給肉帛享壽九十八

李夢奇小忙人嘗倡建族祠置買祭田在鄉曲排難解

紛人多重之屢邀

恩賞冠帶享年九十七

鍾茂蘭輞塘人忠厚渾樸有懷葛風嘉慶元年榮膺九品邑侯雷額以盛世耆英現年九十六妻袁氏九十
三齊眉偕老四世一堂

謝光彩國學生中巷人雅好詩書品行端方道光元年榮膺八品享年八十二

劉文吉檀溪廟前人厚重簡默意氣和藹累邀

恩賞冠帶

道光元年壽躋百齡題旌建坊

周家梓醴龔人享年九十四進士嚴秉璉題其堂曰西

分宜縣志

卷十

雜類

附異

三九

岐人瑞

李夢兆小忙人享年九十四子杪青名列庠序

彭烜東溪人秉公持正敦族睦鄰享年九十三

周畔醴龔人享年九十三長孫生員周大擗亦年登八秩尚書紀昀贈以算符勤首

丁之鳳乾隆五十年

恩賞給米嘉慶元年榮膺九品知縣雷載贈額

皇朝崇德享年九十三

舒廷蘭嘉慶元年榮膺九品知縣黃維綱區旌梁孟雙

輝壽九十三

趙廷拱嘉慶元年榮膺九品享年九十二

歐陽璠防里人年九十二嘉慶元年榮膺冠帶

李夢祥小忙人享年九十二嘉慶元年榮膺冠帶

嚴秉璜介橋人邑諸生孝友成性學品兼優教授里中
師範嚴肅人敬服之課子思文列膠庠諸孫皆佩服

祖訓兩沐

皇恩享年九十一

劉國楨享年九十二道光元年榮膺冠帶

陳光彩享年九十三嘉慶元年榮膺冠帶邑侯黃步堂
給以昇平人瑞匾額

分宜縣志

卷十

雜類

祥異

三

鍾掄珂邑庠生長塘人孝友性成古道常存接引後進
造就多方道光元年榮授七品享年九十一

夏侯文涼池塘人兩沐

恩賜享年九十一

劉嘉謀施溪人爲人忠厚秉性正直妻彭氏舉案齊眉
四世一堂雍睦可風享年九十一邑侯溫贈額德達
天階子學達道光元年邀

恩賞邑侯曹旌以箕疇錫福

歐陽義防里邑庠年九十一子翩翩監生孫昆玉業儒
彭坤東溪人現年九十二學憲王贈以經濟椿榮匾額

道光元年榮膺冠帶九年壽滿百齡呈明請

旌

李廷佐斜溪人爲人樸實言笑不苟享年九十一妻謝氏鴻案相莊學博洪詔贈以錫齡同夢

李學轍斜溪人勤儉持家不尙浮華享年九十嘉慶元年榮膺冠帶

歐陽上京字帝俞防里人性和厚好施與年九十鄉里稱善人子藻業儒

李兆規吏員東溪人賦性慤直不事鉛華壽九旬累邀恩賞

分宜縣志

卷十

雜類

祥異

三

張友盛張坊人和平正直齒德兼優嘉慶元年榮膺九品年九十二

晏有綸國學生上坊人性質純厚諸事克明大體尤喜文士嘗構精舍延師課諸子姪禮貌必豐必恭享年八十三

宋熏坊廂人邑增生孝事繼母勤於著述創宗祠祭田義學爲承先啟後計享年八十四

夏侯峻池塘人才具幹練經理族政井井有條壽八秩學憲潘旌以鶴算綿長道光元年榮膺八品現年八十六

劉任鎮水東人澹朴端方老成鍊達嘉慶元年榮膺九品妻黃氏共挽鹿車伉儷偕老享壽八十五

夏侯礪池塘人安分守己敦崇古道嘉慶元年榮膺冠帶享年八十六

黃廷新國學生樓霞人公正好義邑設賓興會捐田租爲首倡主族政十餘年興祭建隄崇本植基子孫世食其德壽八十二與八旬德配鍾氏鴻案齊眉欣賡偕老子汝達郡增

歐陽琰字泰舒防里人樸謹謙和孝友足多現年八十六道光元年榮膺冠帶

分宜縣志

卷十

雜類

祥異

三三

周作霖醴醑人幼失怙事母郭氏以孝及壽終日以祝慈錄祭田吟爲兢兢宿學名士贈詩盈篋著有抱愧集年八十八

劉郁堃施溪人孝友性成喜善樂施享年八十六任洪圖橫坑人例貢生勤儉持己溫厚待人享年八十一督學曹贈額眉壽臻川

鄧文清享年八十有五歲

宋瑞庭享年八十二歲

歐陽上榮防里人郡庠生忠厚和平享年八十一道光元年榮膺冠帶子進道光己亥舉人

夏侯秀餘嘉山人剛方正直詩書訓後偕妻吳氏年登
八秩學博楊邦彥旌以德諧眉壽

李從周西坑人居年洙傳家忠厚植品端方現年八十
八道光元年榮膺冠帶

吳國瑞鳳形下人易直慈良能識大體現年八十一道
光元年榮膺冠帶

任天佩公直嚴於素履孝友本乎性天現年八十一道
光元年榮膺冠帶

王斯訓桃溪人例授從九職性方直喜施與嘗作百忍
橋行人利濟次子秉榮登上舍壽八十三眼見四世

分宜縣志

卷十

雜類

祥異

三

周瑞彩醴巖人嘗倡建族祠置祭田持心公平鄱陽令
陳聖修表以碩德長春享年八十二

謝芳杰地背人大學生幼習舉業屢試未售雅好詩書
品行端方享壽八十一

李鵬翔小忙人誠實端方言無妄發享年八十八從子
夢吉夢賚孫枝馥先後列郡邑庠生

張聰長富人邑庠生確守臥碑樂道忘貧甯蛙釜塵猶
吟哦不輟現年八十三

黃正暉邑西恩橋人忠厚公平殷勤課讀壽八十三子
榮錠好義矜持敬宗收族學憲潘獎以慶福壽

額壽八十二孫烜庠生

吳曰信白芒人忠厚傳家勤儉持己產雖落隆師課讀
惟以詩書啟後嘉慶元年榮膺九品邑侯雷贈額敦
倫光序子五長學鵬邑庠生

黃其漢樓霞人好善慕義飭紀敦倫秉正直以持己存
公恕以待人享年八十子大器邑庠

黃世翰國學生芳山人性秉渾噩志好振興邑中賓興
義舉捐租百石鼓勵多士現年八十二

李紹游昌山人性孝友持行謹嚴雖積學未售詩禮之
訓四世一堂相傳弗替嘉慶元年榮膺九品邑侯雷

分宜縣志

卷十

雜類

祥異

三十四

贈額德膺寵錫妻袁氏夙嫻閭範舉案齊眉壽八十
九督學汪旌以淑德遐齡子仕遇嘉慶元年榮膺九
品仕逢監生仕進邑庠

周駿聲西坑人國學生才德並茂品學兼優尤精歧黃
術活人無數現年八十八道光元年榮膺冠帶子孫
蕃衍

吳維鳳坊上人秉性鯁直待人謙恭享年八十六嘉慶
元年榮膺冠帶

袁學汾江邊人孝友性成詩書貽後子姪守其家訓五
世同居書香丕振見祥異作礪志嘉慶元年榮膺九

品邑侯雷載旌以德膺

恩綸享年八十一

周官澤溪人性嗜學至老不倦誘掖後進多所造就享
年八十一子維院享年八十四嘉慶元年榮膺九品
邑侯雷贈額德膺

綽綸

劉之瑛七都施溪人才能排解雅尚敦龐現年八十一
道光元年榮膺冠帶

李夢賚小忙人附生存心忠厚待人謙冲耄而好學士
林仰之現年八十五

分宜縣志

卷十

雜類

祥異

三五

李師羌東溪人性樂烟霞詩書課後嘉慶十四年榮膺
冠帶現年八十八

周尙鏡醴礮人秉性渾厚為人耿直道光元年榮膺冠
帶現年八十四

劉之臻施溪人秉性耿介持躬勤儉享年八十四

趙廷英城東人年八十三少穎悟力學從族兄淡園肄
業宜春霞山經年不歸舍為文洋洋灑灑不寄人籬
下試前茅不遇遂絕意名場日以經史訓子長文藻

邑諸生次文蔚壬子孝廉任南城教諭

周大扣醴礮人賦性正直接人和平嘉慶元年邑令雷

賜以寵榮鳩杖三年府學師贈以榮分渭水享年八十九

李公幅陂田人立心公平廣行善事父病三年侍奉罔懈嘉慶元年獲邀

恩賞享年八十二

嚴思芹介橋人邑庠生性孝友喜博覽經史持己待人俱本真誠有古君子遺風晚年子孫蕃衍聚順一堂人咸謂厚重所致享壽八十七

嚴思璟介橋人質直明大體鄉里目爲老成現年八十三

分宜縣志

卷十

雜類

祥異

六

嚴宗景介橋人賦性質樸古道照人現年八十三

李大定車陂人附生品行端方安貧好學壽躋大耄榮

膺冠帶

周大勳醴礬人生員爲人渾樸力學篤行年八十四進士楊曰鯤贈以鴻儒杖朝匾額

李承斌檀溪人素性忠直居鄉公平享年八十二

嚴秉慧介橋人持身勤儉於鄉中義舉樂輸弗吝子孫林立均食其德享年八十二

李學輅斜溪人性情和平出言有章享年八十五嘉慶元年榮膺冠帶邑侯雷贈以荆花天寵

吳維國坊上人郡增生持身謹慎確守臥碑享年八十
五子文澄邑庠忠誠厚重饒有父風享年八十四孫
必透監生必達邑廩生

曾添宗秀水村人醇謹篤實古道自敦學博能恭崇贈
額大臺凝禧享年八十九

李宜昌箬坑人勤儉持己忠厚傳家道光元年榮膺冠
帶現年八十一

郭溶邑庠南岸人品潔行端鄉間矜式毫而好學有老
成風度享年八十二

郭永定邑庠南岸人恕以待人嚴以繩己品學兼優人

分宜縣志

卷十

雜類

祥異

三

咸欽仰邑侯嵩贈額年高有德享年八十六

吳兆暉萬溪人端方正直主族政事無鉅細一二語處
置了然剛方之性至老彌堅現年八十三

李日顯邑庠昌山人博通經史學有根柢族中子弟多
所造就年八十七以壽終妻張氏幽閒貞靜允推女
宗享年九十二學博陳翰文贈額子三毓珊贈奉直
大夫璨邑庠瑣性清潔好行善事享年八十八

彭柱鼎邑庠西岡人厚重簡默篤行孝友爲文端莊有
體課子姪以經史爲本督學汪旌以德年並邵享年
八十餘子光瑩郡庠

王沛鷺溪人醅樸自守古道可風現年八十八

彭文煒下田人品端行正潔清自守尤能以排解見重鄉里嘉慶元年榮膺冠帶邑侯雷贈額德膺寵榮享年八十七

盧定卿坑上人正直寬平自少至老以勤儉二字爲箴規排難解紛鄉閭敬服道光元年榮膺七品現年九十二

張大晃羅田人創家塾置祭田享年八十一邑侯黃維綱贈額品重鄉閭子文熙監生鳴盛庠生孫枝蕃衍並列膠庠

分宜縣志

卷十

雜類

祥異

三

袁洪恩白芒人德性仁厚專修族譜捐建橋梁年九十榮膺八品子曰麟邑庠孫朝達授按察司照磨劉明達現年八十六歲

李公鈴陂田人秉性剛方不徇私曲嘉慶元年榮膺冠帶學博贈以熙朝人瑞享壽八十五

龔美英絲茅坑人真性樸直出言有章嘉慶元年獲邀恩賞邑令雷鉉題其門曰國恩家慶壽八十一

習家福以經商起家邁跡自身喜延師課後嗣性耿介息訟爭勤勞至老不倦年近九旬卒道光元年

恩榮八品子三世光國學孫會林立祥經職員祥綸國學

張啟海高宜村人厚重成性鄉里推服道光元年榮膺八品現年八十三

鍾聯金觀光人壽八十三性質慤為鄉族排解紛難人敬服之延巖師課子化龍化民列膠庠妻嚴氏亦年登大耄

會衍玳院坑人幼習詩書敦族睦鄰道光元年獲邀恩賞進士周步驥以熙朝耆英額其堂壽八十

郭永觀國學生南岸人副貢達孫孝事父母和處族鄰濟急扶危樂善好義人稱渾厚老成享年八十

鍾惟照鍾家坊人心術正直品行端方為社長精明幹

分宜縣志

卷十

雜類 祥異

鍊知縣黃維綱贈額年高德邵年八十二

周學淇西坑人慈祥愷惻孝友天成現年八十九道光元年榮膺冠帶子廷相諸生

劉照賢醴蘄人勤儉持家謙和處世現年八十九道光元年榮膺冠帶邑侯曹人傑給額鶴算頻添

張大昱羅田人行事質直居心和平排難解紛鄉稱善士享年八十六子孫曾元如林

歐陽疇落星湖人幼習舉業質本剛方享年八十有二例授登仕郎

妻夏侯氏享年九十三子稅國學生孫紱附貢生

王斯樂桃嶺人行誼端方孝友克敦享年八十三

李洪基陂田人幼習儒術屢試未售居鄉黨排難解紛人多重之壽八十一

胡士汲礪源人安分守己勤儉可嘉道光元年榮膺冠帶現年八十二

劉之瓊施溪人謹厚篤實不尚浮華敦族睦鄰樂善好施年入秩刑部郎中楊曰鯤贈以齒德並著子二定元定陞國學生孫光明庠生

胡定光礪源人爲人謹愿性嗜詩書屢試未售人咸惜之享年八十

劉斯兆行山人存心忠厚處世正直嘗延師以課猶子

分宜縣志

卷十

雜類

祥異

四

名列膠庠

胡士潛社上人正直居心忠厚傳家享年八十一邑令

曹贈以海屋籌添子定綱從九職

劉廷袞施溪人初攻舉業屢試未售隱居林下吟弄風月四世一堂年八十七孫文瀚曾孫標均邑庠

謝大誥睦源人性謹樸持躬正直享年八十七嘉慶元年榮膺冠帶邑侯雷贈以盛世耆英子應元庠生

李瑜斜溪人爲人厚重訓子有方道光元年榮膺冠帶邑令曹人傑贈額天恩寵錫現年八十三

李斯嶽東溪人持躬端正閭黨推爲老成享年八十一

胡標新澤人剛方正直不喜浮囂嘉慶元年榮膺冠帶
邑侯雷鉉贈以碩德引年壽八十五

李式璉雙源人成家立業裕後光前享年八十一嘉慶
元年榮膺冠帶

黃日輝文字人品端行正清潔自守尤能排難解紛見
重鄉里享年九十有四眼見元孫子六家言家試並
應俊秀家論

家誨家詔家詳後先登八秩孫濟美邑附生學淮
道光元年恭遇 恩榮學深學湖學漢同躋八秩
胡桂新澤人古貌古度不事雕琢正直性成忠厚天授
享年八十七

朱明敬雙源人居心長厚植品端方享年八十四

分宜縣志

卷十

雜類 禮異

聖

王廷美鷺溪人質古行端老成足式享年八十四

蕭榮裘治源人孝友剛方鄉里推重享年八十四邑侯
雷贈額盛世耆英妻宋氏壽九十四子孫蕃衍繞膝
稱慶

陳城石鎮人勤儉自持古樸可風現年八十一道光元
年榮膺冠帶

胡扳魁田心人道光元年榮膺冠帶邑令曹贈以載咏
岡陵匾額現年八十一

周仕鍾嘉慶元年榮膺冠帶年八十九

王增裕泰華人郡庠生在學五十餘年有志未逮現年

八十有四

曹伯虎郁嶺人厚重循靜博學無華現年八十八

張大農羅田人公正和平然諾不欺同妻胡氏登大耋
教授徐秉霖贈健順德齊匾額享年八十七子步青
增生孫發均監生

李元珠享年八十三邑紳林有席贈以杖朝聯聘匾額

吳國樑現年八十二道光元年榮膺八品

譚家袞享年九十嘉慶元年榮膺九品

鍾日遇勤儉自持醅謹可風現年八十二道光元年榮
膺八品

分宜縣志

卷十

雜類

祥異

聖三

黃士林現年八十三道光元年榮膺八品

張永亨享年八十二道光元年榮膺八品

黃汝舟現年八十二道光元年榮膺八品

黃家誨享年八十九嘉慶二年邑侯給盛世耆英額

宋紹信現年八十六道光元年榮膺八品

宋大楷現年八十一道光元年榮膺八品

夏侯廷億享年八十五道光元年榮膺八品

張聯元享年八十六道光元年榮膺八品

張尙瑜年八十四道光元年榮膺八品

易魁元現年八十二道光元年榮膺八品

夏侯維盛享年九十學博周給有竚慶百齡匾額

袁浩元車田人年八十七嘉慶元年榮膺八品

趙文藻東關人生員現年八十趙朋元亦屆八旬道光

元年全膺八品

嚴尙環雅江人現年八十四道光元年榮膺冠帶

萬耀德輞岡村人享年八十三嘉慶元年榮膺冠帶妻

金氏享年九十三府憲田以舉案集慶匾賜之

張承宗松林巷人現年八十七學師曾給以丹崖銘石

匾額道光元年榮膺八品

李蜚聲現年八十七道光元年榮膺八品

分宜縣志

卷十

雜類

祥異

四三

羅允梅享年八十五嘉慶元年邀給絹米

鍾邦湖現年八十四弟邦聞現年八十二道光元年全

膺八品

袁嗣煥現年八十二道光元年榮膺八品

劉之達享年八十三嘉慶丁巳榮膺八品妻李氏現年

九十

李仁鳳白芒人正直公平排難解紛道光元年榮膺冠

帶現年八十二子三

李正祿現年八十道光元年榮膺冠帶

李上寬現年八十五疊邀

恩賜道光元年榮膺冠帶

袁仕琬享年九十一道光元年王梅二學博贈額

國恩人瑞

性情耿介存直道以正家風品行端方守清貧而訓孫子耄年手不釋卷訓子壽南教孫有龍

黃上亨嘉慶元年榮膺冠帶知縣雷載旌以熙朝人瑞

匾額年八十七

袁瀆元車田人享年八十八道光元年榮膺冠帶

黃世奎現年八十一道光元年榮膺冠帶

梁志欽現年八十一道光元年榮膺冠帶

鍾秉龍現年八十六道光元年榮膺冠帶

黃之崑現年八十三道光元年榮膺冠帶

分宜縣志

卷十

雜類

祥異

四

袁大彪現年八十九道光元年榮膺冠帶

夏侯珍現年九十二

黃茂蓉現年八十一

吳茂德現年八十

袁世隆現年八十一

袁紹福享年八十三

鍾登魁現年八十四

鍾世贊現年八十一

黃廷侯現年八十一

鄒炳翰現年八十六

李廷柱現年九十四

敖運光

例貢江溪人忠厚渾樸好善樂施四世一堂子
夢麒國學孫學瑚例貢曾孫定庠郡庠壽八十九

黃自洛享年八十四

黃體和現年八十三

鍾安麟現年八十二

夏天岸現年九十

鄭國球享年九十一

蕭日瑾現年八十七

蕭廷義現年八十三

湯廷班現年八十四

分宜縣志

卷十

雜類

祥異

四十五

郭炳仁享年八十八

張申曦現年八十一

郭定茂享年八十一

蕭廷貴現年八十一

程文鸞現年八十一

戴兆元現年八十九

張申坑現年八十三

袁聯芳現年八十六

蕭廷槐現年八十二

袁樑現年八十六

袁欽現年八十六

李玉章現年八十四

孔國清現年八十三

戴懋貴現年八十三

譚家佐現年八十三

任天賡現年八十二

袁廣材現年八十二

譚在中現年八十一

袁廷璋現年八十一

夏廷恩現年八十六

分宜縣志

卷十

雜類

祥異

四六

夏侯文渭現年八十一妻戴氏年九十二

陳宗定現年八十三妻夏氏年八十二

王廷魁現年八十一妻張氏年九十

郭永文現年八十

鍾日壅現年八十

郭坊雲現年八十二

康作桐現年九十六

戴以仁現年九十二

彭日精現年八十五

彭文曙現年九十一

李兆昇現年八十四

李曰環現年八十三

李海波現年八十四

歐陽上樸現年八十五

歐陽麟現年八十五

周畦年八十一

宋德芳現年八十二

彭源富享年八十三

吳曰暹萬溪人性孝友醅樸少習舉業工書畫前名人
筆意摹倣逼真晚主族政增置祭田以禮法誠子弟

分宜縣志

卷十

雜類

祥異

四

鄉鄰有事排難解紛人咸服其公子入延師課讀不
吝費絀邑廩生綬臺俱邑增生孫二十餘人元修邑
附生家龍貞修俱郡附生曾孫十餘人現年九十盛
德之報尙未艾云

歐陽時號學巖邑增生防里人性剛直排難解紛人多
愧服修理十派六宗兩祖先塋兆極其瘁終於有成
讀書勤苦六經註疏提要鉤元手編蠅頭細字若干
卷垂老弗衰三薦棘闈不遇年八十四卒子四成邑
庠生

張樑村西關人勤儉自勵好行方便道光二十六年榮

膺冠帶妻謝氏鴻案相莊子五伯與邑庠生孫枝蕃
衍享年九十三卒

李魚佳雙源人素性孝友凡義舉輒解囊主族政二十
餘年人無間言曾登山遇虎虎負鳴兩目眈眈伏不
動其德有以感物如此壽登九秩邑侯具文申詳學
師王贈耄年衍慶匾額嚴公升偉祝以序子三長
國學次邑庠孫曾林立眼見四世享年九十有三

李曰豪雙源人鄉飲賓公平正直會倡修家祠弟曰招
姪道南擇師課讀俱列黌序享年八十有二子四長
錫蕃邑庠後裔昌熾道光二十一年兩學師額以賓

分宜縣志

卷十

雜類

一府異

四

延洛社

劉炳煥塢溪人秉性淳樸素行孝弟子七訓以義方俱
克家創業光前延師課孫現年八十有五道光二十
五年榮膺九品冠帶

彭定材下田人力學未售例授登仕郎性耿介敦孝友
邑侯雷載額以天衢儲望孫曾蕃衍眼見四世享年
八十有五

張辰桃源人幼攻舉業未售援例入成均性孝友仲兄
邑庠名星夫婦早亡撫遺孤如己出祠宇傾圮獨力
倡建以妥先靈歲歉屢乞糶賑濟戚族鄉有急難多

方排解並解囊不吝年七十學使曹公麗筮額贈齒
德並尊壽八十邑教諭曾小山爲之序子四長夢芹
從九三夢蘭邑增生孫十

監生鍾文治並妻黃氏夫婦八十雙壽道光九年兩學
師黃華齡梅照璧以生品行端方氏德性貞淑詳報
學憲吳孝銘獎以介眉篤祐匾額子有悟國學孫學
仁觀華俱邑庠

郭羣雙溪人邑庠生性穎悟工詩文精通儒先諸書
以硯田爲業出其門者多列膠庠享年八十二子六
後裔蕃昌

分宜縣志

卷十

雜類

訓異

四九

郭章賜雙溪人幼失恃長失怙勤耕苦力家隆隆起晚
年主族政有杖朝碩叟之頌享年八十有三子三孫
十人

郭章貺雙溪人性渾樸謹言行和睦鄉鄰繼其後者孫
支蕃衍道光元年榮膺九品冠帶享年八十二

鄧亨錦現年八十五道光二十六年榮膺九品冠帶
彭大懋漳源人性厚重尙勤儉古道照人現年九十四
歲道光二十六年榮膺八品冠帶

康祖閔花園人性醇謹言笑不苟居房長時訓後以忠
厚傳家現年九十二

康祖乾花園人持身勤儉和夷渾厚撫姪爲嗣義方是
訓現年八十有三

康之峩花園人金渾玉璞不事鉛華好善若渴待師極
忠且敬後賢鵲起鄉鄰稱之現年八十有三

袁朝枚路口人年屆九十四歲慷慨好義任廣東海豐
縣丞宜陽袁臨志贈南極星輝額其祠子山崗捐銀
千餘修路自昌山至彬江二十里行者得履亨衢遐
邇皆稱一鄉善士子孫蕃衍方未艾焉

袁尙熹禮堂人賦性質樸持身正直晚年逍遙林下有
古逸民風現年八十有五

分宜縣志

卷十

雜類

祥異

五

張受業桃源人應童試屢列前茅逾壯家貧不及卒業
爰精岐黃遷居郡城數十年懷清履潔本府鄭公鵬
程嘉其品以夫婦八十雙壽額贈採芝偕隱子四魁
席邑庠生魁韶大學生孫六

潘希凰字高岡坊廂人居新祉早歲讀書未遇爲人質
樸醅謹輕財好施鄉里均稱善士年八十四歲奉

覃恩授登仕郎

林大例白水人一生勤儉篤實現年九十有三尙能耕
種如常

歐陽安字人偉防里人讀書不求聞達卯酒三杯偃息

一晌許起而遊憩山林邂逅鄉耆話農桑傍晚與子若孫夕膳畢拾松枝烹茗徙倚柴門而月映前溪矣現年八十有二

歐陽繁字昆田爲人秉正好讀書幼應童子試輒冠其曹終於弗遇以道光二十六年授登仕郎子孫繁衍年八十有二

劉文燦老山人持己節儉處世忠厚道光二十六年榮膺九品冠帶子四孫曾林立年八十有三

李曰同號石園雙源人鄉飲大資改建房祠豎造居室享年八十一歲子錫管庠生

分宜縣志

卷十

至

李大祥號發崖雙源人鄉飲大資空拳創業皓首成名享年八十有四子三樹靖國學

袁裕源紐村人性和平心公直義正言婉人每樂親訓子課詩書力田占晴雨咸謂之羲皇上人子六三人瑞邑庠年八旬

恩榮登仕郎

彭定歡國學生下田人勤儉起家義方訓子憐貧窮而樂善不倦七十舉飲賓儒學梅額贈望重膠庠與妻嚴氏同登入秩儒學萬經復額贈鴻孟聯輝子大璘邑庠孫士明國學眼見四世夫婦俱享年八十一

袁自華慕足人賦性正直不苟取與孝友兄弟人無間
言道光二十四年榮膺冠帶享年八十三

陳興貴花木前人勤儉持身忠厚傳家道光元年榮膺
九品冠帶

邑庠黃之桂字明方號一山居邑南新社性曠達不喜
時文愛山水精青烏術遇名勝攀蘿捫石必陟其巔
家無宿儲淡如也晚景好與兒童謔修髯尺許如瀑
雪或挪揄之無忤色年八十五無疾坐逝

劉子興鈴嶺背人性醇謹篤學能文引誘後學孜孜弗
倦年八十有六子孫繁衍道光二十六年榮膺冠帶

分宜縣志

卷十

雜類

祥異

五

歐陽上棟字國柱防里人性溫和謹慎無執無傲遠廬
詩書泥塗軒冕岐黃之經桐君之紀及近今俞氏醫
按摩不深究其旨其待異母兄敬而慙其撫再從兄
之子南池愛逾所生見其中鄉闈裕家食乃殊爨焉
年八十有三而卒子三鶴嘉慶戊辰舉人分發山西
知縣

歐陽上烈字愛推防里人性淡素喜讀書雅好談詩篇
什甚富大抵皆勉人爲善之語有再從姪南池鵬依
以爲生養之教之見其獲雋秋闈復以屋數楹畀之
卒自立室家焉年九十八卒子二長子鵬國學生

歐陽遠防里人勤於稼穡性噩爾盱家有漢陰丈人風
或曰子劬甚何樂答曰吾勞吾形吾自養吾真仁看
插秧而來行行隊隊遙聞吹笛而過雨雨三三何樂
如之年八十二卒

歐陽廷防里人有田數十畝力耕而食或偃臥松陰鼻
息齁齁與草蟲相和蹴之醒大笑而起有識者見之
嘆曰此何人其天全矣必壽年八十二卒

歐陽上緒防里人幼習舉子業長弗克售遂息心進取
假別業以棲身性溫厚恬雅老耄時秀溢芝顏體軀
輕便望若四五十歲者然子孫林立道光二十六年

分宜縣志

卷十

雜類

神異

三

以八旬邀

恩現年八十三歲

歐陽燃防里人性渾厚不事雕琢尤友於其兄壩篋無
間幼商楚致富爲兄立後將所置田產兩析之嘗以
課子孫爲心垂老不衰享年八十

歐陽怵字德成防里人性方正寡言笑家貧棄學遠客
川楚習程卓之術衣食小康及歸不與外事春秋奠
獻祖先率子弟必誠必恪年八十有一

監生李珠盛字顯德居身質樸存心忠厚家貧事親克
孝偕弟亮盛勤且儉歲有羨餘廣置膏腴而行多慷

慨喜與讀書人居遊延師課子姪有成享年八十七
李亮盛珠盛同懷弟性謹厚言笑不苟以勤耕佐兄起
家友恭晏如享年八十有三道光二十六年恭遇
恩榮子三長同次秉忠俱國學三維傑孫定元同科遊穎
張茂對北溪人 恩貢元瑾四子秉性純良傳家忠厚
幼應童試屢拔前茅惜數奇不遇身居族長置祭田
幫試資捐穀拯饑義舉種種鄉鄰德之嘉慶元年榮
膺八品冠帶

歐陽縉水川人邑庠生爲人謹身寡過篤實君子也家
傳岐黃心存利濟求醫者戶外屢常滿活人無算富

分上縣志

卷十

雜類 祥異

不受謝貧兼贈丸藥遠近咸感其德晚年主族政家
規肅然子四次煥邑附生孫曾繞膝妻夏侯氏相夫
無違白首偕老同享年八十

夏汝珍車田人性愿謹由勤儉居積致富七旬偕妻厲
氏同壽學師萬公經鄧公克贈以玉案齊輝匾額

道光二十六年恭遇 恩榮享年八十有五子四長
其伯次其仲四其季皆國學生孫清和邑庠生

監生袁嗣席號儒爲山田人爲人渾厚公平正直性英
敏嗜學能文章試少屈入成均志圖遠大又不遇父
逝母老昆季五分居伯拚擋家政奉母命析產業念

仲弟性揮霍家稍落另酌撥日若干仗助之友愛人無間言課子若孫擇師從遊不惜費蓋生平愛讀書如命云子二業儒孫思敬邑增餘俱業儒享年八十有一昭萍廣東高廉道張瑄春贈東膠碩彥匾額
儒童鄧聯元爲人公平治家勤儉涉世與人無爭子孫各一人咸賢之以道光二十六年榮膺冠帶現年八十有二

鍾曰瑚浪溪人生平渾厚貧苦力田勤儉課子倡修橋路道光元年授登仕郎學師王欽贈名榮杖國年八十子惟學孫八長有章邑附生

分宜縣志

卷十

雜類

祥異

五十五

袁文杰字拔羣號豫齋慕塘人樸實醇謹不羨繁華治家克勤克儉忠厚待人是以前置產業創屋宇日臻富裕因援例授儒林郎州同馳贈二代益斯蕃衍四世一堂迄今入成均者有人採芹香者有人現年八十有四洵稱福壽

胡琴材字帝選田心人淳樸謹厚娛情田園有隱君子風年躋八旬江西鹽法道裘公世璘贈以東海釣倫孫曾繞膝訓以義方年八十四而卒

胡學愚字懿倫號靜山田心人性敦樸清靜與輞江萬上遊爲中表情好甚篤時輞江寓居章門招至客邸

見官長賓朋晉接煩擾遂辭歸隱屏教授高弟多出其門生平謹小慎微規行矩步鄉鄰無少長咸慕效而敬禮之道光元年授登仕郎年踰八旬子若孫環侍其側無疾而終

胡光國田心人年八十一歲性渾噩識大義家雖貧事親甘旨無缺有磽田二畝盡供兄光家日用已惟破屋數椽而已光家年八十有三病故國哀痛廢食踰月亦卒

謝必俊字廷籲號關門地溪人幼習舉子業屢試不遇遂援例入成均爲人渾噩忠厚與物無忤頗有師德

分宜縣志

卷十

雜類

補異

五

之度量至總理一族眾務舉而措之裕如也里黨推重凡知名者皆仰慕而禮敬之延師課讀用費弗惜撫姪定鵬承祧負才早逝媳胡氏守節待

旌孫錫蕃業儒曾孫二年八十一而歿

蔡秉璉賦性愿謹居身質樸主家政內外嚴肅道光二十六年遇恩子三孫曾林立現年八十有一

黃洪巒爲人愿謹居身樸儉嘉慶元年遇恩年八十

二

黃洪周素性慇直接物和易道光元年遇恩年八十有奇

黃開量勤儉居家忠厚處世道光二十六年遇恩現年八十有四

袁嗣賡字颺言山田人古貌古度不雕不琢持躬勤儉處眾溫和迄今孫曾繞膝後嗣蕃昌享年八十有八朱之樑厚重持身和平處世子二孫一道光二十六年遇恩現年八十三

職員袁鳴銓字拔萃號聖齋爲人剛直孝友無間延師課讀忠且敬鄉里有事勸散不惜解囊至行義舉略無德色如江斜渡船至今共歌利涉悉賴其力生子二宗旌邑庠年八十

分宜縣志

卷十

雜類

祥異

二十七

邑增生趙至瑤城內人性穎悟博通經史凡名物象數人所罕見聞者舉前史証之遇人有爭端排解立釋壯年失偶五十餘年不再娶撫姪如子皆成立壽屆八旬子鍾祥優廩生屢薦未售膺貢在卽

袁錫緒禮堂人性穎敏讀書略觀大意每屬文操筆立就自學使李煌逾格招覆未到取而復遺遂高尙其志有囂囂自得之概現年八十

歐陽柏字慎行防里人性剛而直鄉里有忿爭勸釋無不傾服掌祠事必誠必愨享年八十一

登仕郎張茂先北溪人生平忠厚存心恬淡持己事上

接下孝慈克盡爲族長以禮法訓後人無不欽仰子一起淵邑諸生孫會成行壽八旬有一

夏鼎濤車田人持身正直處世和平督世業以治家勵勤修以訓子七旬兩學師贈以匾額道光元年邀

一恩贈登仕郎二十六年晉贈修職郎享年百歲學師夏贈以楮齡表瑞匾額子四孫六曾孫五後裔蕃昌

彭 堯東岸人性渾穆懇直篤孝友身居族長諄諄然以禮法勗子姪族人皆畏敬之道光二十五年榮膺冠帶現年八十有四

宋世旺邑南鳳林人秉性清樸勤儉持家隆師課子現

分宜縣志

卷十

雜類

祥異

五

年八十有二子之望邑附生

胡世應新社人文品端方處事公正鄰里鄉黨毫無間言道光二十六年榮膺八品現年八十二

歐陽夾防里人渾厚誠篤主家政嘗以孝弟力田爲子弟誨族人咸欽服之現年八十

歐陽韶和防里人體格魁梧襟懷灑落嘗遊湖湘間積有餘貲爲諸姪成家己身不娶現年八十一

嚴開復介橋人秉性骨鯁持身正直事上接下秩然有倫嘉慶元年榮膺冠帶享年八十四

嚴宗阮介橋人渾噩樸實醇謹老成忠厚傳家正直處

世享年八旬有二

歐陽立仁防里人性節儉渾厚父邑庠生慤先婦卒仁力耕奉母母壽終遠適四川學香歸生一子業儒現年八十

歐陽立武防里人性質樸自食其力少年喪偶不再娶以色挑之泊如也現年八十三

康受祿號宜齋嚴溪人年八十有四渾噩樸誠隱於躬耕勤儉居積致富雅好讀書人厚禮名師課後輩近鄉修金蓮廢寺映秀石橋各捐三百餘金捐建家廟費二千餘金生平慷慨類如此孫誥邑庠生嘗從邑

分宜縣志

卷十

雜類

祥異

堯

學師梅閔齋游稔悉其行誼屢舉鄉飲賓辭不就始有古隱君子風云

附生張以德鈴南北溪人幼失怙事母至孝年十二主家政二十八郡庠長子元琦負才早逝次子元瑾雍正乙卯科 恩貢孫茂官邑增生曾孫志健郡附生起嵩國學生元孫廷獻邑附生身居族長與族弟增生彬倡建書閣以勵後人聚首講學族黨德之眼見五世同堂壽至八旬而歿

監生潘日璠字美光性厚重寡言笑早歲善病因棄舉業操計然術遂致少有嘉慶二十四年倡修族譜族

有強暴者設計陷害之眾怒將質之官播泣勸曰修譜原以睦族訟則忤莫甚焉吾死不敢從乃罷人皆服其雅量舉道光二十二年鄉飲介賓年九十一歲坐瞑逝子二長起良國學次起吉吏員

宋日冕字俊彩坊廂人秉性質樸不事雕琢自幼傭工膳親孝無間言兄弟五人怡怡相得綽有吹壎吹篪景象居恆力勤耕作家隆隆日起雅能別具慷慨救困濟急毫無吝色人多德之七十時同邑孝廉袁康侯贈額杖國華齡及八秩邑侯楊樾圃復以渭水耆英旌其廬道光二十六年與四兄日冕並邀

分宜縣志

卷十

雜類

祥異

李

皇恩榮膺九品冠帶孫際儒國學生迄今孫又生子四世一堂現年八十有六

袁從誥禮堂人郡庠生尙懋仲子質性端慤恪守庭訓涓謹老成取與不苟現年八十

鍾天廷盤溪人秉性剛方行事公正創業光前延師訓後排難解紛人多愧服道光二十六年榮膺九品冠帶妻張氏溫柔貞靜克修婦職夫婦現年八十三歲子孫繁衍人咸羨其餘慶

李貽清字錫春橫江人忠信誠慤樂善不倦延師課嗣東修不惜壽踰八旬後裔蕃衍仲孫夢白屢試冠軍

例授登仕郎劉廷萬號選亭享年八十二歲邑西江斜
上市人性孝友質渾樸勤儉起家好義通財鄉有募
者助之負者寬之合邑鈐陽書院不惜重貲捐輸至
隆師課子當日光膾炙人口以故迺用有成長子世
寬邑庠生次子世容郡庠生

歐陽上錄性純謹力事耕作籜冠卉服蕭然自適遇文
士輒喜談古人事嘗言曰吾儕幸生居昇平桑麻日
月何異蓬島春秋得免饑寒已足此外復何求哉鄉
里皆稱擊壤老人現年八十一歲子二亦綽有父風
潘日升原名日陞字茂才坊廂人居邑北西頭讀書頗

分宜縣志

卷十

雜類

雜異

全

明大義童試屢拔前茅惜數奇艱於遇乾隆五十六
年學使趙鹿泉已取其文入彀因題字偶錯被黜憤
極遂致重聽嗣後絕意功名不復就試日以詩酒自
娛道光六年奉

覃恩授登仕郎二十六年晉授修職郎現年九十三猶善
飯逢人每作呵呵聲

朱天忍西廂人居小北門性慈和待人猶己善調攝童
顏鶴髮精神如舊現年八十歲猶行及奔馬

蕭復祖幼業儒數奇不偶年晉古稀幡然一翁猶應童
子試晚年教授鄉里不拘束修士林咸以長者稱之

現年八十有三

晏經權號平甫爲人溫厚和平家頗裕自奉常儉而周貧恤乏濟人之急居家敦倫睦族捐資置祭田道光元年榮膺冠帶壽屆九旬督學許贈以眉壽延慶匾額踰年而終配林氏同庚亦賢淑有聲八十七歲卒眼見四世孫成名邑附生

鍾音燕字綏亭石塘人愿謹篤實由勤儉居積致富喜延師課後嗣享年八十嘉慶元年榮膺冠帶四子光亨國學生

鍾文斗大隴人儉約居身慤勤訓子享壽八旬有一道

分宜縣志

卷十

雜類

雜異

全

光元年榮膺冠帶

鍾廷薌大隴人忠厚傳家詩書啟後現年八十有二子三長祖祥邑文學

郭大用沔村人性樸誠勤儉起家好行善事道光丁酉曾捐王頭嶺田三十畝增廓鈐陽書院膏火又於沔村江獨建石橋以便行人所費不下千金長子維嵩國學生次子維盛例貢生孫曾繁衍享年八十有二歐陽迎秉性淳謹敦友愛同懷五人長枕布被門內之治肅如也時迎壯年失妻不再娶惟撫其諸姪成室愛若己出鄉里稱卓行焉其先世有節孝先生者爲

司馬文正公高弟以元祐黨人見錮歸然碩德實配
享富春嚴子陵廟事詳毛西河集今迎祖徙居江下
坑邊已歷多世聚族而居而少長秩秩有禮林泉風
趣居然節孝家法云現年八十有一

劉輝盛年八十六歲江溪當礮坑人素性孝友不事雕
琢善承父母歡父母俱年高服勞奉養終其身罔攸
斁尤能克盡友于兄弟五人輝盛居長分析生產概
以肥美讓與四弟手足情重怡怡如也妻賀氏克盡
內政凡輝盛所爲氏多贊成族鄰無不稱賢夫婦齊
眉偕老四世一堂人咸謂厚德宜昌云子四長上芬

分宜縣志

卷十

雜類

祥異

三

饒有父風生平仗義疎財隆師課子其懿行種種又
爲鄉閭所矜式年亦八十二歲子孫林立均食其德
次上芳業儒三上蘭鄉飲四上蕙從九

業儒劉上芳江溪當礮坑人天性渾厚古道照人父母
兄弟克盡孝友數十年如一日至好義通財尊師重
道尤徵德量恢宏族鄰交口稱善士道光二十六年
榮膺冠帶鄉紳張公海蓮贈有玉杖承恩匾額妻李
氏確守女箴勤襄家政夫婦齊眉壽皆八十四歲迄
今孫曾繞膝人咸謂祥和之氣蒸爲瑞徵云

劉輝旦江下當溪人品行端方閭里稱賢享年八十三

歲道光元年榮膺冠帶邑侯曹贈額德膺國寵

上舍黃洪壽號樂山洞村涂塘人附監生學良仲子郡文學履泰同懷弟幼承庭訓敦孝友長益勵於學旋蜚聲藝苑淑配曹氏生子三而玉弦中斷時年方壯家頗裕不再續惟以慷慨好義詩書課後故子姪多俊秀茂才守惠秩孫也均受其益年踰大耋以壽終

袁清槐西嶺人金渾玉樸古貌古心偕妻黃氏淑慎柔嘉相敬如賓有古冀缺風現年同躋八旬有七道光十六年二十六年兩遇 恩榮會憲受恬賞給大耋齊眉匾額子增瑞孫枝林立

分宜縣志

卷十

雜類

祥異

畝

嚴思勇介橋人敦本務農克盡孝友現年九十有七邱華廷禮冠人持己勤儉接人坦蕩醕謹渾噩有懷葛風現年八十有三子七孫曾林立

袁嗣璵字魯珍山田人性和易處事接物有不羈才如本圖賸差諸務多賴維持鄉鄰排難解紛咸服其公主族政訓孝弟力田爲本交重然諾輕才好義足徵生平現年八十一子二孫七曾孫二四世一堂

詹會行羅家邊人質直渾樸勤儉謹慎古貌古心人推長者現年八十有三道光二十六年恭遇 恩榮子

三孫二

湯光裕岐嶺下人性愿謹安耕鑿勤劬至老不倦道光二十六年恭遇 恩榮享年八十有四卒

郭炳允鄉飲賓持身渾樸治家勤儉鄉里有事排解立釋不愧善士迄今子孫繁衍享年八秩有二

監生李蘭盛字文德爲人坦夷胸無城府以勤儉居積起家遇里仰有事竭力解釋每墊金不惜尤喜課後嗣以詩書現年八十有二長子炳宗貢生次子榮陞由府案入邑庠孫俱俊秀

嚴維盛七都四甲北村人居心謹厚接物和平現年八十有三猶勤劬不懈後嗣俱克自成立

分官縣志

卷十

雜類

附錄

奎

晏必陞勤儉自持醕謹可風現年踰大耋康健如常有

子克家孫曾林立

一產數男

嘉慶二年羅大城之妻藍氏一舉三男

補遺 五世同堂

曾榮字步雲號耀亭院溪人賦性淳謹品行端方長於文并精歧黃術遠近咸欽仰之嘉慶丙辰歲試補弟子員道光己丑八旬吉水選貢郭公德堞贈以大椿協瑞匾額眼見五世享年八十有七子爲鳳國學生孫三曾孫六元孫三 以上舊志

壽徵

邑庠生郭拔羣雙溪人性穎悟工詩書精通儒先諸書
享年八十三歲子思芹邑庠生元孫炳堯郡增生受
益邑庠生

優附生張青萬泗水人處事持大體邑中公事如修
聖宮建考棚起賓興會與有力焉邑侯黃贈額壽以其仁
並跋以秉心公亮篤行純備年臻八十有四子八長
楷季輝文俱監生孫增朝嘉辰曾孫秉謙俱庠生
附貢袁際肇號勉齋車田人長身修髯樂行善事倡建
昌峽浮橋并考棚及賓興會邑南秀溪臺爲明黃忠

分宜縣志

卷十

雜類

禮異

奕

懋讀書處亦捐貲修葺嘗受業於宗選貢易堂爲梓
其集行世享年八十有七配張氏享年八十有六子
定仁國學邦獻邑附孫旭邑附洪濤邑增 例贈修
職郎瑞庭祥庭職員曾孫士彥副貢元孫鳳翔州同
超然國學

職員歐陽祐防里人自號守愚純厚可風現年八十歲
子三長賢軍功七品季勛國學生孫三

增生張 陵泗水人號毅庵舉鄉飲介賓享年九十二
歲子光偉國學生孫應椿邑庠生咸豐十一年髮逆
復來寇竄鄉擄殺家人僅同逃避陵耕意不往自言

生平無愧行必不遭毒手坐守書室匪至無所見人咸謂厚德之所致云

郭永保金山坑人子一春國學生孫五芳琛從九芳現國學會孫十二元孫六五世同堂享年八十九歲邑侯賓詳請

旌表奉

旨賞賜匾額緞匹銀兩

武生胡堂南坑人公平正直厚重簡默享年九十歲咸豐元年

恩賜冠帶

分宜縣志

卷十

雜類

祥異

志

鍾聯瑚觀光人公平正直享年九十二歲萍邑侯俞贈以珍從錫福匾額

張伯璜筍田人妻袁氏夫婦齊眉現年八十七歲五世同堂

巡司習世祿享壽八旬三繼室鍾氏現年九十子祥雲邑附生孫曾森立

州司馬袁維翰禮教坊人現年八十一歲長子瑞泉附貢生次子瑞嘉辛酉拔貢

恩副貢胡增文享年九十一歲配張氏年八十二歲五世同堂

郡增生林光綬學問深厚人品端方遊其門者多所裁
成享年八十有七

誥封奉直大夫監生袁家傑埭頭人妻黃氏一誥封宜人
同晉八十

邑附生李兆楷檀溪人端品篤學崇實黜華享年八十
有三

邑附生李兆梓學養深邃生平多義舉鄉人稱之享年
八十有四

大學生林上伸少好學爲人謹信言笑不苟尤精岐黃
現年八十五歲四世一堂子光霽邑庠生

分宜縣志

卷十

雜類

祥異

亥

國學朱錫駟現年八十五歲子五汝明汝階汝陸俱國
學汝光進光俱邑庠

馳封登仕佐郎鄉飲大賓鍾師嚴享年八十二歲妻李氏
馳封孺人現年八十歲

議敘從九張增鵬泗水人四世一堂享年八十四歲子
錫禹附貢生

鄉飲介賓監生夏侯文豫享年八十歲子潮邑庠生孫
霖國學

邑附生張兆建享年八十二歲子人初孫爲元俱廩生
恩賜九品朱若縉享年八十九歲妻楊氏享年八十六歲

周大器享年九十一歲邑侯錫爵以國額咸豐元年
恩賜九品

周大科享年九十歲咸豐十年
恩賜九品

彭家庶享年九十七歲咸豐元年
恩賜九品

張魁選享年九十五歲

張瑱長富人享年九十五歲道光元年
恩賜九品

彭雁行漳源人現年九十一歲

分宜縣志

卷十

雜類

祥異

九

彭鈞東岸人享年九十二歲

彭堦東岸人享年九十一歲

彭釗東岸人享年九十歲

李口昭享年九十一歲咸豐元年

恩賜九品

李大丹享年九十歲咸豐元年

恩賜九品

李作藻享年九十歲咸豐元年

恩賜九品

朱增光享年九十六歲

朱美順享年九十七歲

鍾雷三享年九十四歲

監生鍾世安石塘人現年九十一歲

鍾兆斡山泗人享年九十三歲咸豐元年

恩賜九品

鍾起曾享年九十一歲咸豐元年

恩賜九品

從九劉廷銓江斜人享年九十二歲

張申譽享年九十一歲

職員李邦雲陂田人爲人忠厚享年九十一歲

分宜縣志

卷十

雜類

祥異

李

袁祖廷禮教坊人享年九十歲咸豐元年

恩賜九品

職員李良楮田心人現年九十歲

歐陽廷貴爲人正直享年八十三歲

鄉飲朱秉瑄享年八十一歲

朱佩苔享年八十三歲咸豐元年

恩賜九品

朱佩萃現年八十歲

鄉飲盧紹鳳崑腔嶺人妻黃氏同登八十

恩賜八品黃汝章享年九十四歲

恩賜九品黃其圭享年八十二歲

鄉飲黃其麟享年九十三歲

恩賜八品黃其怡享年九十一歲

恩賜九品朱希灝享年八十三歲

習暉四現年八十六歲

習家祿現年八十五歲

登仕佐郎鍾家材享年八十二歲

登仕佐郎鍾榮崑享年八十二歲

鍾芳棣享年八十歲

鍾家綸現年八十二歲

分宜縣志

卷十

雜類

祥異

三

鍾立性享年八十二歲

登仕佐郎張維暄享年八十八歲

登仕佐郎張尙鵬享年八十二歲

登仕佐郎張尙鏊享年八十六歲

邑庠鍾師恕享年八十二歲

耆民鍾成勳現年八十二歲

易大順水川人享年八十四歲

邑廩黃其曾享年八十二歲

邑庠黃大獻樓霞人現年八十六歲

飲賓袁錫祚現年八十六歲

登仕佐郎吳必行享年八十四歲

胡學謹田心人享年八十二歲

胡廷彥田心人享年八十五歲

恩賜冠帶胡廷謨南坑人現年九十歲

恩賜冠帶胡掄瑀埭溪人享年八十三歲

恩賜登仕佐郎鍾文利現年八十九歲

職員袁維宸禮教坊人現年八十二歲

袁煜茵禮教坊人現年八十二歲

袁如璟禮教坊人現年八十三歲

登仕佐郎習家傳妻鍾氏同晉八十歲

分宜縣志

卷十

雜類 祥異

七

習瀛六現年八十五歲

鍾立霞現年八十四歲 黃氏現年八十二歲

鍾家蔚現年八十歲

飲賓胡開策現年八十一歲

胡定梅現年八十七歲

鍾起嘗享年八十四歲

登仕佐郎黃一鴻現年八十五歲

登仕佐郎鍾芳蓮享年八十三歲

邑庠生黃元吉妻鍾氏同享年八十一歲

鄉飲介賓袁尙琛現年九十歲

恩賜登仕郎吳必緒邑南坊上人年八十二歲

吳文琢坊上人八十四歲

邑庠鍾掄珂享年九十三歲

袁山玉年八旬邑進士楊曰鯤贈以杖國者英匾額

林光怡為人誠實現年八十五歲

林光祥現年八十四歲

林光文現年八十三歲

林家元現年八十四歲

劉禮和享年八十一歲

國學劉上敏享年八十歲

分宜縣志

卷十

雜類 祥異

登仕郎袁大學享年八十四歲

邑庠生鍾珂享年九十二歲

恩賜登仕郎鍾鳴金現年八十九歲

林灼六現年八十六歲

高日陽與妻氏同登九十二歲

附貢潘元德享年八十一歲妻李氏享年八十二歲三

子澤霖邑附生四世一堂

軼事

唐李德裕嘗左宦宜春盧肇以文見知既拜相舊例放
榜先呈宰相時侍郎王起典貢舉問德裕所欲答曰
何問爲如盧肇丁稜姚鵠豈可不與及第起遂依次
放之肇謝主司起詩曰嵩高降德爲時生洪筆三題
造化名鳳詔停歸專北極驪珠搜得盡東瀛衮衣已
換金章貴禁掖會隨玉樹榮明日定知同相印書衿
新列柳間營咸通初肇除歙州刺史又有途中寄座
主王侍郎詩云忽忝專城奉六條自憐出谷屢遷喬
驅車雖覺還家近捧日惟愁去國遙朱戶乍經新棨

分宜縣志

卷十

雜類

軼事

載風帆常覺戀簞瓢江天夜夜知消息長見台星在
碧霄

盧肇初赴舉見侍郎王起因問曰袁州鄉薦如子者幾
人肇曰皆才選也未易品評如肇者亦猶沅江出鼈
甲九肋者稀矣

盧吉州肇開成中就江西解試爲試官未送肇有啓謝
曰巨鼈屨履首冠蓬山試官謂之曰某昨限以人數
擠排雖獲申展深慚名第奉浼焉得翻有首冠蓬山
之謂肇曰必知明公垂問大凡頑石處上巨鼈戴之
豈非首冠邪一座聞之大笑

盧肇別宜春赴舉詩曰離山且作銜蘆鴈入海終爲戴
角魚長短九霄飛直上不教毛羽落空虛明年及第
第一詩固爲之兆矣江西狀元自肇始肇與黃頗同
舉郡中獨餞頗明年肇狀元歸太守請觀競渡肇詩
云向道是龍剛不信果然奪得錦標歸太守大慚
通志古蹟載盧狀元書堂有二說據童宗說文標集序
郡之南修仁鄉有盧狀元書堂遺址存焉則宜春之
修仁鄉也名勝志載盧肇讀書臺在分宜縣鐘山之
側則鄧廷言詩所謂鐘山高高鐘水綠者是也文人
地與俱韻流傳既遠所聞異詞自當並記之

分宜縣志

卷十

雜類

藝事

二

宋時邑西禮教坊袁氏有淮安司鹽提舉名德翁者告
致歸養舟溯大江入鄱湖見迴瀾處有巨石水勢湍
激舟多湧入遂解纜鑄二鐵柱於腰子石上柱高二
丈餘俾過舟遙知避至今鐵柱猶存上有德翁姓
氏採德翁自記

寰宇記載宜春東有夢水昔鍾儀欲於此村立縣乞夢
果符所祝名曰思縣因以名水嘉靖袁州府志亦錄
此說而以爲在府城東八十五里未詳其義通志則
云東八十里源流無攷今按宜春東境宋時割置分
宜以里計之此水當在分宜近城上下水次但云因

鍾儀乞夢而名似涉附會金谿王謨江西攷古錄云
鍾儀卽左傳所云南冠而縶者也立縣事屬荒唐且
江西有三夢水豈皆鍾儀所夢乎

李觀字夢符初試南宮賦偶落韻有司愛其策爲取特
旨由是登第以著作佐郎知臨江軍清江縣時歐陽
文忠公扶護太夫人喪歸廬陵船過清江太守請公
爲文以祭之太守以簡率爲訝觀曰無深訝也旣而
文忠擊節稱之其文曰昔孟軻亞聖母之教也今有
子如軻雖死何憾尙饗觀初爲太學官因上言役法
不合出通判處州題詩一絕於直廳之壁曰十謁朱

分宜縣志

卷十

雜類

軼事

三

門九不開利名淵藪且徘徊自知不是公侯骨夜夜
江山入夢來後終於朝議大夫

元至元間邑北上松有黃汶者由明經起家爲陝西鞏
昌府西甯尹元貞間母老乞養改授本郡宜春尹大
父宋黃時中作秀埜園樓臺亭閣軒巷皆備又有平
湖曲水繞其堂宅汶繼起加修葺焉今其譜帙所載
詩記皆宋元人筆而府縣志不詳其名可知前代人
物志中遺軼者不少也

歐陽南谷居士元時高尙人也當道以教官薦辭不受
圭齋嘗銘其墓明大常卿黃公勤業跋其後云昔人

之所積者忠厚流長其遺諸子孫固異乎眾人也自
凋謝之餘而資源兄弟皆卓然復昌其先世又知天
之報施善人果不爽也而南谷亦嘗自贊其畫像有
曰務本之學施於子孫讀此可以知所本矣參清門原譜
明歐陽元春以貧樂顏其齋自為贊云天能貧吾身而
不能貧吾心吾能樂吾心而不能樂吾身貧吾身固
不樂樂吾心斯不貧人皆以身不貧者為樂地吾獨
以心不樂者為貧民噫樂果何人貧果何人後學讀
此知先生學道有得可以尋孔顏樂地矣平園雜記
黃太常子澄受易於歐陽貞受書於周與學受春秋於

分宜縣志

卷十

雜類

軼事

四

梁寅初謁時寅令作枯梅詩立就甚異之詩云百千
年樹未全枯三五箇花何大疎聞道石門春意動不
知曾有暗香無石門寅所居也縣書亭詩話

太常靖難受戮有妾李氏在獄舊志生遺腹子名眾家
兒李既投繯死將眾家兒發入樂戶鄭阿閻家撫養
更名鄭全遞傳至六世孫雲因奉恩詔褒忠賜享復

姓黃氏舊志

太常遺骸葬直隸崑山縣馬鞍山時方羅織黃練親識
皆諱言之萬歷四年太常孫黃熊祭掃馬鞍山值崑
山縣民蔣坤蔣良占塚互訟本縣復勘得實斷坤起

遷正勘時忽雷轟墓裂石誌迸出而當時盡瘁聞關
抗顏死節顛末乃得暴白 舊志

太常與難諸人多屬同邑而名氏不可盡稽城內趙子
昇其姑壻也譜內載其姑趙黃氏供狀一條內云供
狀婦趙子昇妻阿黃氏年六十五歲係本縣東廂籍
狀供阿黃係黃子澄姑氏丈夫趙子昇未奉事發之
先物故被子澄姪黃敬章供報趙孟昇仲昇係阿黃
夫弟亦是內戚洪武三十五年九月初五日差將軍
賈福等到縣抄札將阿黃同夫弟孟昇仲昇義男奴
兒外甥彭細孩等抄解前去本戶田地塘七十畝五

分宜縣志

卷十

雜類

軼事

五

分沒官陞科撥與本縣周下狗等承佃將孟昇仲昇
等就刑大辟義男奴兒等充河池千戶所軍役就本
年十二月二十八日將阿黃發懷慶公主府內爲奴
永樂二十二年十一月初一日欽蒙恩旨黃子澄齊
泰每這一起已被顯戮家下男子婦女有撥去教坊
司錦衣衛浣衣局及官家爲奴給配使喚習匠的都
在赦前了着禮部行文書取出放回原籍甯家爲民
當差田塘屋基山場等項都給還他宣德元年六月
二十一日蒙公主府大人王將阿黃闈送羽林前衛
舍人張管送赴戶部轉發應天府給到規字九百三

十二號勘合文引照回甯家本年七月二十九日將原引到縣告繳去訖宣德四年告奉劄付批照本縣釋放黃子澄親屬趙阿黃原承江字四百九號勘合事例相同給還改科照舊納糧

採趙氏家譜

太常子澄死遺稿散佚止存贈同里劉醫士歌其詞跌宕奇絕讀之快然惜其時無有收輯之者今方孝孺正學集練子甯金川玉屑集皆盛行而子澄文章泯滅尺牘片語流落人間氣焰光華固不必多也

詩附本傳

嘉靖府志

太常公當世第一等人物弼履任值丙辰之仲秋謁祀

分宜縣志

卷十

雜類 軼事

六

如禮徧檢府志止得邵督學記一首而表忠祠田地則周前令刻於祠中前後僅得詩三首餘寥寥不見有表章之者思其久而沒也附錄鈴志後

李元弼跋

崑山縣廩增附生員龔邦衡等呈奉查得建文忠臣黃子澄江西分宜人建文時與兵部尚書齊公泰同心輔政其始也力陳大計而國已不支其終也身被支解而家已不保即建文君違其先事之謀而縱景隆之貳志主臣淪沒於一朝然文皇帝思其臨刑之語而削漢藩之護軍宗社靈長於萬世則生不屑于王魏而死有關於綱常者大矣顧江右無遺類而黃宗

自改田經吳中非故鄉而崑版獨編珪玉是以家咸甯者去墓墳而之他國雖近有祠祀而首邱不存名彥修者收骸骨而瘞新邱雖久未表章而手澤尙在按大常公親題譜中有云莫謂海鄉非故國子孫應保碧山阿之句與今墓誌所載適相符合蓋危難之際微行至蘇與郡守姚公善起兵勤王自分必死是時存孤死節並行不悖後乃葬於馬鞍山下終得其力迨今蔣乾等有訟而人始知之亦數之前定者矣不然宋初卜分宜之墓曰馬鞍今也瘞公之骨亦曰馬鞍國初發革除之黨曰蔣乾今也訟公之墓亦曰

分宜縣志

卷十

雜類

軼事

七

蔣乾皆天也非人也夫大常公之死與齊公泰方公孝孺練公子甯同其烈而郡守姚公善義堅死守與城存亡竟不顧其身而克全大節公子彥修志切存祀相時行止率不露其迹而克遂初心凡大常公之有子有墓以至於今日者姚公之謀也彥修之力也劉侍御璉爲太常公作誌時方當諱言之日故譜中不載而載公子彥修輝及公孫釗之誌稍稍互見在前輩沈魯集中可考也今遇詔訪建文忠臣而太常公誌石出于墓前土中有雷轟地裂之異豈非忠臣之氣湮鬱百五十餘年而一旦逢時遣會特顯靈瑞

耶夫形骸在于是英爽在于是必爲之祠祀而使有所依廟貌恆於斯血食恆於斯必爲之立嗣而使有所繼古先聖王崇德象賢有由然矣若夫郡守姚公敦朋友之義而上不負其君公子彥修篤父子之恩而下不絕其嗣與太常公並祠祀可也至於太常公立祠當于墓所而擇其子孫讀書知禮義者主之可也其蔣乾等所訟良由古塚陵夷而山民售之以蹈不知之罪故碑隱密而天公借之以昭不測之神此石一出而無餘事矣

崑山縣申文參照得黃子澄生前忠節自持乃戮族於

分宜縣志

卷十

雜類

軼事

八

國家有事之秋死後英靈不磨復見碑於他人告訐之際功德顯著輿論有孚精忠格天幽魂宜慰相應建祠修墓仍立裔孫奉祀則不惟崇德報功亦可以垂勸後進矣申道道批看得黃太常當國難以捐軀其子黃彥修歷艱厄以歸骨百年遺塚久湮沒於蓬蒿千古精英尤昭垂于宇宙幸際熙朝之優詔遂呈荒塚之殘碑迹涉異常事關世教既經覆勘明實相應待表封邱仍修祠宇恤錄苗裔申本院本院朱批據呈諸生人等查勘黃太常墳墓等事已確明矣則黃卿之精忠英魂真可謂動天地格鬼神也且白日

飛雷碑石乃出黃昏遇訟忠義斯顯非惟得彰示忠
臣遺跡適又當衰恤之盛典君子於此可以觀天人
之際矣及查黃氏子孫非知府姚公深思遠慮別姓
收籍何得復有遺類况其據城固守臨難不屈信無
愧于顏氏兄弟而篤友託孤保全信義又何愧于孫
陳兩賢相應並祀以表英風 右出崑山刻錄

黃太常十族殉國九死鴻毛開科得士無雙遜國忠臣
第一事淹大禁久格弗傳自革除至萬歷袁公業泗
為郡守莆陽黃公鳴喬延主昌黎書院講席重修郡
乘始毅然表章次第蒐羅詳立志傳稱明備焉崇正

分宜縣志

卷十

雜類 職事

九

壬申冬奉詔追錄遜國忠臣易名贈卹其以十族親

故牽連流戍者悉與察部 明初保結忠臣黃太常楊

崇等坐誅連謫戍袁州派充漕運死徙者眾子若孫

無樂生意會大啟初田御史特疏題明奉旨豁免府

縣察核始末具詳永不派運田事下大宗伯咨訪袁

公特舉郡縣具結表揚公疏入告一時正論益明云

介橋嚴方伯孟衡初為邑諸生一御史行部至行慶節

禮適天雨拜於庭上孟衡厲聲曰拜下禮也今拜乎

上泰也御史瞠目視之復厲聲曰怒目視君大不敬
也御史為改容稱歎 嘉靖志

嚴方伯孟衡以薄產六十畝有奇分五子正統八年赴

任四川時親筆分關首題天理人心之所寓七字後云天理至公昭昭難欺善惡之報捷於影響又云爲子者皆當以父母之心爲心不可各以私心爲心天理神明昭然鑒察可不畏哉盱江魏少宰定國清江楊宮師錫紱俱有跋少宰云方伯清德質存卓然前代詩曰昭茲來許繩其祖武於萬斯年受天之祐其公篤慶無疆之謂歟宮師云先生膺古岳牧之任而分關給諸子田產乃不過中人所以諄諄訓其子若孫者惟此存天理合人心以爲立身行己之本裕保世滋大之謀一言而揭聖賢學問之要嚴氏詩書之

分宜縣志

卷十

雜類

軼事

十

業久而彌光不亦宜乎旨哉二公所跋可以爲清白吏子孫提唱矣

袁開叟記聞

新都馬大壯仲履撰著云余讀韓中甫大室山人集中紀三事可爲勸戒者載於此一曰四川嚴布政使爲人峭直潔清自入任至掌藩政歷三十年每食一蔬人謂之嚴青菜由布政使官蜀至新灘灘以山圯入江阻其下流激爲漩濤間以砥石勢如建瓴舟至必轉載登陸使工水者操空舟過灘十壞五六載重強行者百不一存鬼之妖者假此血食例有牲醪祈禱舟人受釐左右以此告嚴嚴曰吾日食蔬而厚殖民

神當福我如此心有負神欲降罰何必新灘新灘可
以祭免其餘能一一祭之耶且婦女出舟不便遂不
出載不祀水神而具衣冠端坐命舟直下遂卽安流
蜀人神之

玉塘謝秩年三十落拓不偶棄儒販牛一日薄暮驅牛
過新淦村落距旅店尙遠向一老父借宿弗應秩浼
求再四老父曰非有所靳全家惟一老一幼不病疫
耳復詢以牛放後園無賊否老父曰合村病疫安有
賊遂留宿秩自炊飯宿堂中頗有戒心夜半不寐聞
有叩門聲內答云謝老爺在此不可來明日侵晨問

分宜縣志

卷十

雜類

軼事

十一

老父病人狀答曰昨夜托庇安睡矣因留信宿至第
三日復聞叩門內厲聲曰謝老爺尙在此爾何爲閱
四日病者皆愈鄉鄰驚爲神款留之迭爲賓主全村
病者霍然秩歸復折節讀書舉宏治甲子鄉薦任廣
濟知縣

袁倣號蘭溪嵩縣學諭績學家世有盛德自蘭溪至五
玉凡七世未析爨鄉里稱爲義門白水林默溪爲立
世友傳

澠州舊湖廣地道光元年湖南復新開澠州廳卽其處
也攷趙氏四世詩集內有萬歷間養利州知州趙伯

冠歸省過浞州示司警姪炳機詩云度支曾主吏燕
市幾風霜日但疲行役錢無一貲囊豪門嗟冷炙掩
脛乏完裳秋葉看辭樹春花復向陽去來隨燕雁身
世遇炎涼合浦遙邊海常平故有倉積儲誠大計典
守簡惟良出納官無曠課銓職有將陟明擢司警清
澁接黔疆六詔王陽駕三刀刺史章新遷慚拓落言
旋過沅湘別子五旬歲迎予一茗筐披雲乍覩面秉
燭引登堂朱夏煇蒸劇洪流古渡長雨過窗列宿涼
沁座飛觴骨月論今昔悲歡集肺腸風塵厭奔走顏
鬢各滄浪阮籍窮原醉阿咸少更狂高岡欣有鳳岐
菊晚節香歸構菟裘就遲君共採芳

豐城鄧子龍精形家言未遇時嘗過邑北之山泗鍾氏
禮接甚優感其意爲立一阡曰此縣膽穴也然下阡
後必遇災而其後必貴鍾氏竟如所指葬之果以命
案牽累遣戍遇赦歸孫連捷成進士官至左都御史
者卽鍾公烱也

西岡彭公大科媿名先生未遇時一貧落拓館於上高
歸過山泗遇雨避於鍾氏宗祠幅巾布衣隆冬遍體
沾溼都憲之太翁留之信宿知其爲宿學明年遂訂

爲西賓三子爍爍皆稟學焉陶治甚至並噪庠序
彭旣貴而鍾都憲尤以名位著終身謹事之以爲真
人倫師表

萬歷癸丑張公承詔同黃公希憲下第南歸溯長江進
鄱陽湖長嶺下遭風全舟覆沒宜春鄉舉袁公業渠
分宜鄉舉李公日新俱溺焉二公爲友竭力營櫬殯
張公輓之以詩有儘抱文章飽魚腹不將姓字占鰲
頭之句先是張公每見賣生螺螄輒收而放之江歲
以爲常及覆舟之先夕夢螺螄羣聚成盤公跳坐其
上覺而駭之次日舟沒黃公希憲抱一櫓公倉皇自

分宜縣志

卷十

雜類

軼事

三

分必斃恍惚中得一砂堆急就之砂堆與波上下旣
救免砂堆不見也人僉謂好生之報參泗下家乘

張侍郎爲蘇州司理時嘉定黃公涓耀與童子試一完
目爲國士拔第一訓勉甚至後每得南畿試錄無黃
名輒拊膺歎曰蘊生不中科目爲失人矣黃卒成名
殉義

明季逆璫獄起始於鄧希詔之造奸成於梁四之潛搆
事露法司奉命會審時張公承詔爲刑部侍郎方具
奏奏忽命東廠王之心主之同衛司覆審王璫護黨
盛氣酷刑必欲易辭翻案且憚張以禍福公曰吾法

司知有法耳遂具疏確報前辭竟以忤旨罷事詳邑人朱允恭張公墓誌

採泗下家乘

少司馬總督河道黃公希憲初名金貴計偕時與張公承詔舟覆楊子江以救得活改字又生後捷南宮歷蘇松巡撫恩威並著事詳蘇志蘇民歌思之曰是又生我也語具廣輿記遭江左亂出亡歿於紹興一子友蘇字子瞻在里中以赴義死家蕩析無遺順治間有上高孝廉曹某公車過越偶憩一寺中有尼撫十歲兒出與語鄉里告以故泣拜曰我黃公之妾某氏也撫此兒爲主公護遺蛻日夜望子瞻來今已矣爲

分宜縣志

卷十

雜類

軼事

十四

語其從子子范來取以歸吾老空門無憾孝廉歸語其事子范竟不赴後其家降乩仙大署希憲至判一詩云十年流落在他鄉今日重遊畫錦堂自謂文章能濟世誰知時代有更張鳳毛濟美人何在雁塔題名夢一場子職未全君未報徒懷忠孝兩相傷時子瞻之婦在傍跪請曰大人柩在何處兒來奔歸卽判云青山隱隱路迢迢弱女焉能涉此遙眾皆目子范子范有難色復判云猶子受恩當報答人情反面似鴟鴞遂擲筆逝

參府志

萬年橋明嘉靖間建或傳拆蘇橋移造考蘇州府志云

胥門舊無橋乾隆五年始建方伯徐士林記俗傳故
有橋分宜柄國時吳中大吏徹以媚之攷分宜萬年
橋記述採石之役舟載山伐積以歲月果移胥橋何
待累年且攷別碑有云宏治辛酉胥門浮橋興爾時
橋當無恙何以興浮橋也據此則俗說之妄蘇志已
力辨之

明季邑北挺秀鄉夜戍一盜不知其人誰何也盜之族
遂誣諸生林嘉會弟嘉會挺然以身代就拘赴臨江
獄盜族方以賄進當道訝其非庶民家物遂矜疑出
嘉會獄保釋歸讎家夤緣尾追將加以不測事覺過

分宜縣志

卷十

雜類

軼事

十五

一 神廟卜籤得只在蘆花淺水邊之句悟曰吾當匿
小澗可免明日取他徑行未幾路迷遇一道士口授
一調不甚可曉引至村店中忽不見所與語後多奇
驗

張獻忠踞袁分黨肆掠過邑北取馬蹂躪村落甚毒林
氏族人卜叩祖祠神主爲之動搖跪以其族避得
免康熙甲寅乙卯間北境棚寇復熾其黨有來報者
語嘉會曰公於我有活命恩明日賊且至矣又卜於
祖祠祠門忽墜落走避如前其弟海若稍濡滯被執
罵賊而死

皇清順治丁亥奇荒二三四五月餓死者不可勝數有一
老人極貧僅餘一月糧曰前輩有言人日食米一合
可數月不死不然男僅五日女僅七日耳乃以其米
分食之日食一合雜野菜中啖之果得不死亦備荒
者所宜知也 舊縣志

順治四年青黃不接邑北大饑斗米千餘錢恩貢生嚴
公一桂捐米數千石設厰煮粥以濟饑民匍匐就食
日千餘人有傷飽病斃者忽一道貌老人不道姓名
向一桂語曰君行美事而賑饑未得法饑者腸胃受
虧遠來喘息未定須令其坐用甘草湯和其胃徐以

分宜縣志

卷十

雜類

軼事

六

米汁飲之少頃粥食勿令過飽一桂方歛謝忽不見
如法行之果大效父老歷傳以爲盛德事 鈴北紀聞

袁有五臺三峽在分宜境者臺一峽二名勝志載袁州
五臺自宜春臺而外有仙女鳳凰二臺又彭氏釣臺
湖岡臺俱在五臺之數然湖岡臺釣臺在漢以後非
當日漢宜春侯劉成所立城中之五臺也而仙女臺
則在分宜其三峽中如昌峽鐘峽皆分宜境 參通志
十里店赴昌山其間人烟稀少有地名虎落塘者康熙
丙戌一無名子被傷死在通衢時邑令周操守介而
性執拘疑附近居民謀殺遂拘某刑求極口稱冤後

遣役偵訪牽連無辜閱數月爲文告城隍神設公座其旁鞠治將施刑忽天晝晦雷電風雨交作一巨蛇自屋梁墜落公座觀者千餘人無不駭嘆周亦悔立釋牽連人作疑案後數年安福移文關白前案乃知合夥人圖佔其妻詭云其夫病死遺言感其情令妻歸之妻歸某數年舉兒女矣某一日大醉自言前狀妻遂鳴諸官抵法事乃得白時周已去任後因其弟協鎮袁州過詢前事知其詳猶爲深悔云

鈐北紀聞

水南村民范某家有鬼憑女孩爲祟放火燒衣物闔室苦之延師巫治不少已或曰新令尹威嚴如神盍以

分宜縣志

卷十

雜類 軼事

七

告民如其言時知縣趙頤立署其牘准勘訊親詣其家設座排衙出女鞠問無所得因周覽所居宅外有菱竹一叢舊爲五顯神所附命役撿以至據案大叱之曰何物枯竹乃敢爲厲杖之四十應手墜粉仍聚火熱之投諸江其怪遂絕

府志

歐陽從姑氏甲子春適姑壻尙志悵所天之遠遊愁斯地之難縮蘭不入夢僅弱女兮相依雁旣長征憶故雄而獨處廿二年艱難備歷三百篇發憤誰陳蘇武窮愁尙幸還轅有日樂昌離別終嗟合鏡無時迺曲效乎清商遂聲成乎變徵其詩曰三春風色上愁顏

二十年來人未還欲陟高岡愁我馬雲峯端作望夫
山白雲峯破鏡何時許再圓藁砧一去幾經年南鴻

北燕無消息虛費香閨買卜錢堂上椿萱有老親

白頭同念未歸人為郎甘旨為郎奉寸草心乖愛日

春行役頻年感草蟲懷人心緒自忡忡木蘭女子

生何晚難向黑山山下逢黃鵠年來慣獨飛那知

雲路故相違如今薄命同秋葉葉落辭枝不再歸嚴思

洛潛莽別稿

歐陽瑾為諸生時就試南昌間行至一院遇乩仙贈以
詩曰監衡名駒問天閑前路從容步紫關到得雀臺

分宜縣志

卷十

雜類 軼事

六

酣飲後羣才出色舞斑斕當時絕不知所謂後舉進

士由兵部歷官太僕寺卿寺廳舊題監衡堂樓塵迷

壁中見一壞匾則天閑二字也垂二十餘載督學奉

天道經山海關關樓門額曰紫關金川平奉

命祭告河南湖廣陵寢嶽瀆撫軍餞之銅雀臺明年遂致

仕瑾一生功名於此終矣熊尚書謙山送別有出色

斑斕看後起遂初隨唱共長春之句蓋臆解仙詩第

四言以望其後云

瑾官奉天時府尹署樓屋六間有狐居之前府尹游息

其中狐化一儒士忿爭不已一日尹方宴瑾狐又至

瑾請見之則美書生也因婉勸其徙狐諾而退樓遂安

關中旱蝗瑾按行一處見瀕海樹木中房廊隱現因避雨其家茗椀芬烈若預設者一男子攜筒網從側戶入笑問公至此何故瑾曰有

詔捕蝗其人告曰公無憂三日蝗淨盡矣是夕雨大至淫淋不休蝗子附草而生弗能飛咸洗於海瑾駭異命駕訪之則白沙茫茫了無所覩

趙能夫城東人家貧無隔宿糧數口待哺惟漁舟給衣食雍正辛亥江漲驟發估客順流東下過萬年橋舟

分宜縣志

卷十

雜類

軼事

九

人不戒船破資斧盡喪客子身寄橋畔旅店計無復之一日能夫舉網得簾億客裝呼物色之曰或汝簾乎試疏簾中物合則歸汝客詳開列啟之如數能夫首肯曰是也簾中金四百客德能夫中分酬之不受三分四分之亦不受曰汝估客失貲則困我一葉扁舟飄然雲水間曰得魚足資衣食安用多金爲掉臂去夫利之所在必爭寡人尤甚能夫獨見利思義其古披裘負薪之流歟傳之足以式廉

車田袁某以人命繫獄論死苦無子將歸其田產於族脫諸奴僕籍命之去有用福者執不可一日詣獄中

請曰奴受主人恩且未報今乘大難得脫籍以行在
奴輩計甚得然於心何安言畢而泣已而復熟視若
有所思久之遂趨而出抵縣署擊鼓呼冤令詰之具
以傷人日卽逃尋聞禍移主人不容不出告且哭且
訴令感動權置諸獄越月餘獄成執付市曹妻對之
痛甚用福怡然聞主母有孕喜而仰天吁曰吾自今
瞑目於地下矣袁後果生男承其家業猶歲祠用福
不衰摘朱允恭袁氏義僕傳

邑北林日昇建立新厦移居數月有小竊夜入室欲牽
其牛猝與昇遇竊踉蹌避昇曰毋容避聽我言竊疑

分宜縣志

卷十

雜類

軼事

三

昇証不敢近昇攜其手謂曰予每夜雞三四啼始解
衣就枕爾後勿來給酒食錢米勸其改過爲善竊謝
之而去

邑北林有席以進士起家作縣令歸老後年九十餘雙
目失明猶教讀不倦捐館時殮畢有蛺蝶大如盤五
色斑斕翔集枕衾麾之不去若欲相從地下家人因
以蝶殉其姪進士大宏暨邑廩生黃其曾俱有詩記
其事副舉袁壽齡亦輓以句云生作蠹魚還至死夢
爲蝴蝶竟難醒

邑西晏一瑜康熙時人家貧外出貿易營生路經萍邑

拾遺金七封坐肆中待失金者還未幾其人踉蹌至
一瑜檢封送還其人分封謝之卻而弗受後年七十
八歲無疾而終子孫衣衿不絕

分宜縣志

卷十

雜類

軼事

三

